

四庫全書

經部

欽定四庫全書

經部
春秋輯傳卷九

詳校官監察御史_臣劉芬

給事中_臣溫常綬覆勘

總校官編修_臣王燕緒

校對官中書_臣李元春

謄錄監生_臣馬祖

欽定四庫全書

春秋輯傳卷九

明 王樵 輯

襄公

元年春王正月公即位

穀梁傳繼正即位正也 杜氏曰於是公年四歲

仲孫蔑會晉欒黶宋華元衛甯殖曹人邾人滕人

薛人圍宋彭城

皆邾滕薛始皆列於會

左傳春圍宋彭城於是為宋討魚石故稱宋且不登

叛人也

登成也不與其專邑叛君故使彭城還繫宋

彭城降晉

不書賤畧之

晉

人以宋五大夫歸置諸瓠丘

晉地河東東垣縣東南有壺丘

齊人不

會彭城晉人以為討二月齊大子光為質於晉胡

傳楚已取彭城封魚石戍之三百乘矣則曷為繫之

宋楚不得取之宋魚石不得受之楚雖專其地君子

不登叛人所以正疆域固封守謹王度也杜氏曰

魯與謀於虛打而書會者稟命霸主非匹敵故

夏晉韓厥帥師伐鄭仲孫蔑會齊崔杼曹人邾人杞人

次于鄆

厥公作屈
鄆公作合

按晉悼公既禽五大夫於是伐鄭以討其從楚納魚
石之罪然不重勤諸侯使韓厥將偏師而東諸侯次
于鄆以為之援楚兵不出則韓厥足以當鄭楚兵出
則五國之師足以撓楚此皆放於義合於節制而不
輕用也悼公獻子之賢著矣左氏謂韓厥荀偃帥諸
侯之師伐鄭入其郛又謂自鄭以鄆之師侵楚並與

經不合 杜氏曰鄆鄭地在陳留襄邑縣東南書次
兵不加鄭次鄆以待晉師

秋楚公子壬夫帥師侵宋

救鄭而侵宋攻其所必救也左氏謂楚子辛救鄭侵

宋呂留

二邑屬彭城

蓋即此也胡氏謂傳書子辛救鄭而

經削之似以壬夫子辛為二人

子辛壬夫字也

救鄭侵宋為

二事誤矣

九月辛酉天王崩

邾子來朝

冬衛侯使公孫剽來聘晉侯使荀瑩來聘

天王崩赴告已及而小國朝大國聘左氏皆曰禮也此何禮乎杜預范甯謂赴未至然下無曰未有以辨其久近也

二年春王正月癸簡王

鄭師伐宋

左傳楚令也

夏五月庚寅夫人姜氏薨

六月庚辰鄭伯賁卒

賁古困反

左傳鄭成公疾子駟請息肩於晉

兵殺無休以負擔喻其從晉而得息

公曰楚君以鄭故親集矢於其目非異人任

楚子任此患不

為他人

寡人也若背之是棄力與言其誰暱我

言盟誓之言

免寡人唯二三子秋七月鄭伯賁卒

晉師宋師衛甯殖侵鄭

杜氏曰晉伐喪非禮宋雖非卿師重故叙衛上

秋七月仲孫蔑會晉荀罃宋華元衛孫林父曹人邾人于戚

左傳會于戚謀鄭故也孟獻子曰請城虎牢

舊鄭邑今屬晉

以偁鄭知武子曰善鄭之會吾子聞崔子之言今不

來矣

次于節時崔杼有不服晉之言獻子曾以告武子左氏有缺文

滕薛小邾之不

至皆齊故也寡君之憂不唯鄭罃將復於寡君而請

於齊

以城事請齊以觀其志

得請

齊人如命

而告

告諸侯會築虎牢

吾子之

功也若不得請事將在齊吾子之請諸侯之福也豈

唯寡君賴之 大夫專會

己丑葬我小君齊姜

齊謚也左氏謂齊侯使諸姜宗婦來送葬婦人越疆送葬異哉

叔孫豹如宋

左傳通嗣君也

冬仲孫蔑會晉荀瑩齊崔杼宋華元衛孫林父曹人邾人滕人薛人小邾人于戚遂城虎牢

左傳冬復會于戚齊崔武子及滕薛小邾之大夫皆
會知武子之言故也遂城虎牢鄭人乃成 按虎牢
故東虢之邑鄭滅虢為制邑巖險聞于天下楚鄭倚
之以抗中國故晉帥諸侯取而城之以扼其要害虎
牢城而鄭服鄭服而楚失其所以爭強於上國而諸
夏息肩故城虎牢天下之大計也為天下之計而城
之故不繫之鄭文自當然非聖人有意削之也彭城
為宋之叛臣所據諸侯圍彭城為宋也故可曰宋彭

城若虎牢方為伐鄭不服而城其巖邑以制之又豈
可曰城鄭虎牢耶況晉必以師取之而後城之則板
築興之日虎牢固非復鄭虎牢矣諸儒不知此義故
或謂以霸主討不服之國地非鄭之所得私或謂鄭
叛華即夷辱天子之封守罪當削奪故不曰鄭虎牢
者削之於鄭也此皆非也

楚殺其大夫公子申

左傳楚公子申為右司馬多受小國之賂以偏子重

子辛楚人殺之故書曰楚殺其大夫公子申

三年春楚公子嬰齊帥師伐吳

吳楚交兵始見經

左傳楚子重伐吳克鳩茲

吳邑在丹陽蕪湖縣東

至於衡山

在吳

興烏程縣南

使鄧廖侵吳吳人要而擊之獲鄧廖子重歸

吳人伐楚取駕

公如晉

左傳始朝也

夏四月壬戌公及晉侯盟于長檣

檣勅居反

公至自晉

六月公會單于晉侯宋公衛侯鄭伯莒子邾子齊世子
先己未同盟于雞澤

左傳晉為鄭服故且欲修吳好將合諸侯使士匄告
于齊曰寡君使匄以歲之不易不虞之不戒寡君願

與一二兄弟相見以謀不協請君臨之使匄乞盟齊

侯欲勿許而難為不協

晉言願相見以謀不協而齊不許是齊為不協也

乃

盟于郕外

與士匄盟郕水名音而

六月公會單頃公及諸侯己

未同盟于雞澤

單頃公
王卿士

晉侯使荀會逆吳子于淮上

吳子不至

穀梁傳同者有同也同外楚也

杜氏

曰雞澤在廣平曲梁縣西南

按前年城虎牢鄭人

請成故今年合諸侯鄭列於會而同盟以堅服鄭也

堅服鄭以同外楚也單子與盟蓋自齊桓假王人為

重然首止葵丘會王人而不敢援與同盟世變日降

王人之同盟屢矣習俗既成雖以悼公之賢而不知

革也而其失亦難掩矣然是役也左氏謂非惟為鄭

服之故固將以會吳也夫中國之於外裔制御有常道非有藉於外裔之有釁而自相制也使吳有慕義親諸夏之心因其來而禮接之可也今乃因患楚而通吳吳未始先於上國而上國屈冠裳禮義之尊決內外藩籬之限勤諸侯而遠會之宿師停旅延望其來又使卿逆諸淮而吳竟不至則其為失又已甚焉嗟乎悼之誠與其才君子之所與也而未免乎前人之弊者以其求諸外者多而正其本事諸內者或淺

也本正不在威強而在德義事內則當先朝廷次華
夏而後外裔也此春秋書雞澤同盟之義也

陳侯使袁僑如會

僑其驕反

左傳楚子辛為令尹侵欲於小國陳成公使袁僑如
會求成晉侯使和組父告於諸侯杜氏曰陳侯疾
楚政而來屬晉本非召會而自來故言如會穀梁
傳如會外乎會也於會受命也

戊寅叔孫豹及諸侯之大夫及陳袁僑盟

諸侯在而大夫自為盟始

于此

杜氏曰諸侯既盟袁僑乃至故使大夫別與之盟言
諸侯之大夫則在難澤之諸侯也殊袁僑者明諸侯
之大夫所以盟盟袁僑也按穀梁氏曰諸侯盟又
大夫相與私盟是大夫張也故難澤之會諸侯始失
政矣啖子曰諸侯盟已畢而袁僑至故大夫與之盟
耳無他義也愚謂大夫奉君命而盟袁僑非大夫相
與私盟也非大夫張也晉君方明六卿皆民譽諸侯

和協何得因一盟而失政自是始乎但踐土之盟陳
穆公如會文公未嘗再要以盟而陳服於晉歷三世
而不叛表僑受陳侯之指而來苟有誠服之心又何
必汲汲以盟誓結之哉此則悼公不知本之過也

秋公至自會

冬晉荀瑩帥師伐許

左傳許靈公事楚不會于雞澤冬晉知武子帥師伐
許張氏曰荀瑩悼公之賢大夫也見陳人之服不

能輔悼益修德以保陳陳固則許何患其不來今遽帥師以問罪於許規模欲速宜其并陳不能保也

四年春王三月己酉陳侯午卒

左傳春楚師為陳叛故

前年何忌侵陳之師

猶在繁陽

楚地在汝南

陽縣南

韓獻子患之言於朝曰丈王帥殷之叛國以事

紂唯知時也

杜云知時未可爭此西說也一日之間天命未絕則為君臣已絕則為獨夫知

此時也

今我易之難哉

晉力未能服楚受陳為非時

三月陳成公卒

楚人將伐陳聞喪乃止陳人不聽命

夏叔孫豹如晉

左傳穆叔如晉報知武子之聘也

秋七月戊子夫人如氏薨

如公作弋
下定如同

左傳秋定如薨不殯於廟無櫬

親身

不虞匠慶謂季

文子曰子為正卿而小君之喪不成不終君也君長

誰受其咎杜氏曰成公妾襄公母如杞姓啖氏

曰若如左氏所言則當不書薨葬此傳文當在定十

五年如氏卒下誤在此耳

葬陳成公

陳即中國魯會其葬

八月辛亥葬我小君定如

公羊傳定弋者何襄公之母也定謚死纔三十
三日此定如襄公之母也定十五年葬定如哀公之
母也襄哀越世未久不應皆謚曰定其必有悞或云
此年定如當從公羊作弋

冬公如晉

襄公之立至是纔七歲爾且有母之喪 孟獻子請
鄆為屬而晉許之

陳人圍頓

按左氏楚人使頓間陳而侵伐之故陳人圍頓非處
已寡怨之道也激楚怒耳 山戎無終子嘉父因魏
絳以請和諸戎晉侯曰戎狄無親而貪不如伐之魏
絳曰諸侯新服陳新來和將觀於我我德則睦否則
攜貳勞師於戎而楚伐陳必弗能救是棄陳也諸華

必叛因言和戎有五利公說從之

五年春公至自晉

夏鄭伯使公子發來聘

左傳鄭子國來聘通嗣君也

子國字產父

叔孫豹鄆世子巫如晉

左傳穆叔覲鄆太子於晉以成屬鄆書曰叔孫豹鄆

太子巫如晉比諸魯大夫也

巫若自受鄆命則豹當言及今巫來至魯魯侯

命之令與豹同行故不言及比之魯大夫也魯大夫兩人同行皆不言及

劉氏曰鄆屬

於魯為附庸故相與往見於晉也諸侯死社稷正也
不能守其國以卑其宗廟鄆失正矣天子建附庸非
天子命而私有之魯失正矣汪氏曰諸侯之世子
未誓以皮帛繼子男而亞於大夫之列非禮也然春
秋時較強弱之勢無君臣之分以大國之卿當小國
之君故鄆國微弱而其世子次於魯大夫也杜氏
曰鄆小國今琅邪鄆縣

仲孫蔑衛孫林父會于善道

道公穀
作稻

左傳吳子使壽越

吳大夫

如晉辭不會於雞澤之故且

請聽諸侯之好

更請會

晉人將為之合諸侯使魯衛先

會吳且告會期故孟獻子孫文子會吳於善道杜

氏曰魯衛俱受命於晉故不言及吳先在善道二大

夫往會之故曰會吳善道地闕按此懲前日吳子

之不至故重勤二大夫入吳地就吳子之所在而面

會之

秋大雩

左傳旱也 杜氏曰雩夏祭所以祈甘雨若旱則又修其禮故雖秋雩非書過也雩而獲雨故書雩而不書旱

楚殺其大夫公子壬夫

左傳楚人討陳叛故殺公子壬夫貪也 杜氏曰陳

之叛楚罪在子辛其王既不能素明法教陳叛之日

又不能嚴斷威刑以謝小國而擁其罪人興兵致討

加禮於陳

四年楚將伐陳聞喪而止

而陳恨彌篤乃怨而歸罪于

辛子辛之貪雖足以取死然共王用刑為失其節矣
公會晉侯宋公陳侯衛侯鄭伯曹伯莒子邾子滕子薛
伯齊世子光吳人鄆人于戚

左傳九月丙午盟於戚會吳且命戍陳也

杜云公及其會而不

書盟非公後會
蓋不以盟告廟

穆叔以屬鄆為不利使鄆大夫聽命

於會 公羊傳吳何以稱人吳鄆人云則不辭 胡

傳謂吳來會諸侯而不為主則進而稱人諸侯往與
之會而主吳則貶而稱國恐經無此意要之公羊之

說是矣

公至自會

冬戍陳

杜氏曰諸侯在戚皆受命各還國遣戍不復有告命
故獨書魯戍 程子曰非王命而勤民遠戍罪也而
善於戍陳何哉蓋陳附中國而楚爭之則戍之者在
於助陳而距楚與之可也

楚公子貞帥師伐陳公會晉侯宋公衛侯鄭伯曹伯齊

世子先救陳

曹伯下公穀有莒
子邾子滕子薛伯

卷九

左傳楚子囊爲令尹

公子

范宣子曰我喪陳矣楚人

討貳而立子囊必改行而疾討陳陳近於楚民朝夕

急能無往乎有陳非吾事也無之而後可冬諸侯戍

陳子囊代陳十一月甲午會于城棣以救之

公及救
陳而不

及會故不書城棣城棣鄭
地陳留酸棗西南有棣城

李氏曰范宣子憂晉之

不能保陳與管仲憂齊之不能保江黃正相類甚矣

遠人之來固不可不恤而中國之力亦不可不量也

然晉之竭力以救陳與齊之坐視不救又有間矣

十有二月公至自救陳

穀梁傳善救陳也

辛未季孫行父卒

左傳季文子卒大夫入斂公在位

在阼階西鄉

宰庀家器

為葬備

凡具也

無衣帛之妾無食粟之馬無藏金玉無

重器備

器備謂珍寶甲兵之物

君子是以知季文子之忠於公

室也相三君矣而無私積可不謂忠乎

六年春王三月壬午杞伯姑容卒

左傳杞桓公卒始赴以名同盟故也

夏宋華弱來奔

左傳宋華弱與樂轡少相狎長相優又相謗也予蕩

轡怒以弓楛華弱於朝

張弓以貫其頸

平公見之曰司武而

楛於朝難以勝矣遂逐之夏宋華弱來奔

秋葬杞桓公

滕子來朝

莒人滅鄆

左傳鄆恃賂也 杜氏曰鄆有貢賦之賂在魯恃之而慢莒 劉

氏曰五年秋穆叔以屬鄆為不利使鄆人聽命於會故經書吳人

鄆人是魯已絕鄆鄆無賦於魯矣尚何恃賂取滅之有乎左氏之

說非也 公羊此年無傳五年傳云莒女有為鄆夫人者蓋欲立

其出 出謂鄆之甥 莒之子也 穀梁曰莒人滅鄆非滅也立異

姓以蒞祭祀滅亡之道也 趙氏曰此蓋因昭四年

復有魯取鄆之文以為若實滅之不合如此所以云

立異姓也按莒今滅鄆以為附庸後魯取得之何妨
書取鄆乎且定六年鄭滅許哀元年許復見經則鄆
之滅而再見亦何足怪若鄆人實取外孫為國嗣罪
自在鄆非莒之過則經文又當如梁亡之類而言鄆
亡不得書滅且以人情物理言之鄆雖小國亦有君
臣社稷豈肯居然取於異姓為後乎案其事情莒人
以兵破鄆而立其子使守之其子鄆之外孫因令為
附庸以奉鄆祀神不歆非類是使鄆絕祀事須書滅

公穀但傳得立鄆甥守祀之說而不知事實耳

冬叔孫豹如邾

左傳冬穆叔如邾聘且修平

四年邾人莒人伐鄆滅杞侵邾敗于狐駘

季孫宿如晉

左傳晉人以鄆故來討曰何故亡鄆季武子如晉見

且聽命 趙氏曰據前年會於戚已令鄆聽命於會

即明不私屬魯今鄆亡自不關魯事何得來討 按

滅鄆者莒也晉不問莒而問魯何耶蓋滅鄆之說三

傳互異皆無的據妄說耳襄公幼弱政在季孫宿嗣父任喪未暮而執使命植私交也魯既世卿而大夫無復三年之喪

十有二月齊侯滅萊

齊圖萊久矣自宣七年伐萊至是遂滅之萊姜姓例稱滅同姓書名今齊滅萊不名則例之說不通矣公羊傳曷為不言萊君出奔國滅君死之正也

七年春鄭子來朝

夏四月三卜郊不從乃免牲

左傳孟獻子曰吾乃今而後知有卜筮夫郊祀后稷

以祈農事也是故啓蟄而郊

夏正建寅之月

郊而後耕今既

耕而卜郊宜其不從也穀梁傳夏四月不時也三

卜禮也汪氏曰三卜雖禮而卜郊止於三月今書

四月而三卜不從則過時不敬故書以譏非時而非

譏其瀆卜也杜氏曰牛已稱牲既卜日也卜郊又

非禮也

小邾子來朝

城費

音秘

左傳南遺為費宰

費季氏私邑

叔仲昭伯為隧正

主徒

欲

善季氏而求媚於南遺謂遺請城費吾多與而後故
季氏城費 季氏曰自南遺既城之後費邑強南蒯
繼為費宰非特季氏世卿而陪臣亦世其邑矣

秋季孫宿如衛

左傳報子叔之聘

聘在元年

趙氏曰豈有鄰國之聘經

七年始報乎但其間非卿故不書耳左氏不達此說
諸稱尋某之盟報某之聘多此類也

八月螽

冬十月衛侯使孫林父來聘壬戌及孫林父盟

左傳衛孫文子來聘且拜武子之言

辭緩報
非貳

而尋孫

桓子之盟

盟在成
三年

楚公子貞帥師圍陳

十有二月公會晉侯宋公陳侯衛侯曹伯莒子邾子于

鄒

于軌反

左傳楚子囊圍陳會于鄒以救之 杜氏曰謀救陳

陳侯逃歸不成救故不書救也鄒鄭地 汪氏曰書

楚圍陳書會于鄒書陳侯逃歸而不言救陳所以著

荆楚滑夏之強晉悼安攘之怠而陳侯棄夷即華之

心不固也自是凡會同無陳矣

鄭伯髡頑如會未見諸侯丙戌卒于鄒

髡苦門反公穀作髡原鄒七報

反又采南反
字林于消反

左氏謂鄭僖公將會于鄆子駟相不禮焉及鄆子駟使賊夜弑僖公而以瘡疾赴于諸侯然諸侯方會其鄆子駟其敢然乎胡氏曰弑而可以偽赴又順其欲而不彰則亂臣賊子免于見討而春秋非傳信之書矣黎氏曰若君實被弑以疾赴遂從而書之則弑君豈有以實告者乎趙氏曰若實弑而書卒是春秋庇逆賊也公羊云曷為不言其大夫弑之為中國諱也鄭伯將會諸侯于鄆其大夫諫曰中國不足歸也

以中國為義則伐我喪以中國為強則不若楚于是

弑之穀梁云其不言弑何也不使夷狄之民

指諸大夫欲與

楚者

加乎中國之君也按大夫欲與楚君不從而弑之

此亦不近情理是時晉君方明豈不討乎 趙氏曰

按經文未見諸侯則是已出境臨欲相見耳公羊乃

云未出境益見其非也 公羊云未見諸侯其言如

會何致其意也穀梁云禮諸侯不生名此其生名何

也卒之名也卒之名則何為加之如會之上見以如

會卒也此並是

杜氏曰鄆鄭地

據趙氏說則非鄭地

不欲再

稱鄭伯故約文書其名于會上

陳侯逃歸

左傳陳人患楚慶虎慶寅

二人陳執政大夫

謂楚人曰吾使

公子黃

哀公弟

往而執之楚人從之二慶使告陳侯于

會曰楚人執公子黃矣君若不來羣臣不忍社稷宗

廟懼有二圖陳侯逃歸

胡傳為陳侯計者下令國

中大申儆備立太子以固守親聽命于諸侯當是時

晉君方明八卿和睦必能致力于陳矣奈何不顧而為匹夫之事乎故書逃歸以罪之

八年春王正月公如晉

左傳春公如晉朝且聽朝聘之數 趙氏曰會邢丘亦言聽朝聘之數若朝時已受命何須更會左氏朝聘之下一切須言事由多非其實

夏葬鄭僖公

鄭人侵蔡獲蔡公子燮

穀作濕後同

左傳鄭子國子耳

子耳之良之子

侵蔡獲蔡司馬公子燮鄭

人皆喜唯子產不順

子產子國子

曰小國無文德而有武

功禍莫大焉楚人來討能勿從乎從之晉師必至晉

楚伐鄭自今鄭國不四五年弗能寧矣 公羊傳此

侵也其言獲何侵而言獲者適得之也 穀梁傳人

微者也侵淺事也而獲公子公子病矣

言公子病不任為將帥故

獲 鄭人曰蔡人不從以討於蔡春秋書曰侵則無

名也言獲甚之也晉楚狎至鄭自啟戎也

季孫宿會晉侯鄭伯齊人宋人衛人邾人于邢丘

左傳五月甲辰會于邢丘以命朝聘之數使諸侯之
大夫聽命季孫宿齊高厚宋向戌衛甯殖邾大夫會
之鄭伯獻捷于會故親聽命大夫不書尊晉侯也
穀梁傳見魯之失正也公在而大夫會也杜氏曰
時公在晉晉悼難勞諸侯唯使大夫聽命故季孫在
會而公先歸邢丘故邢國河內平臯縣也胡傳
朝聘事之大者重煩諸侯而使大夫聽命無乃以姑

息愛人而不由德乎使政在大夫又豈所以愛之也
後此八年溴梁之會悼公初沒諸侯皆在而大夫獨
盟君若贅旒夫豈一朝一夕之故哉故邢丘之事魯
公在晉而季孫宿會見魯之失政也諸侯之大夫貶
而稱人謹其始也 啖氏曰左氏云大夫不書尊晉
侯也按尊晉侯則季孫亦當不書且魯君與他國大
夫會例書名何獨尊晉侯乎 李氏曰此條左氏得
其事胡氏得其義論其事則不欲煩諸侯者晉侯之

美意也論其義則不可委大夫者春秋之深意也左氏所謂尊晉侯者亦不過不以大夫敵諸侯之意耳公至自晉

莒人伐我東鄙

左傳以疆鄆田 按莒滅鄆伐魯以疆鄆田其為奸齊盟大矣而伯討不及晉方慮楚故也據此則莒以兵滅鄆明矣孰謂以其子後鄆為滅鄆也

秋九月大雩

左傳旱也

冬楚公子貞帥師伐鄭

左傳冬楚子囊伐鄭討其侵蔡也子駟子國子耳欲

從楚子孔

穆公子

子矯

子游

子展

子罕

欲待晉子駟曰

周詩有之曰侯河之清人壽幾何

遠詩

兆卜

云詢

謀

多

職

主

競作羅

周羅

謀之多族民之多違事滋無成民急

矣姑從楚以紓吾民晉師至吾又從之敬共幣帛以

待來者小國之道也犧牲玉帛待於二境以待强者

而庇民焉。寇不為害，民不罷病，不亦可乎？子展曰：小所以事大信也。小國無信，兵亂日至，亡無日矣。五會

之信

謂三年會雞澤，五年會戚，又會城棣，七年會鄆，八年會邢丘。

今將背之，雖楚

救我，將安用之？親我無成。

晉親鄭。

鄙我是欲

楚欲以鄭為鄙邑。

不可從也。不如待晉。晉君方明，四軍無闕。

上中下新軍。

八

卿和睦，必不棄鄭。楚師遼遠，糧食將盡，必將速歸。何

患焉？舍之。

子展名。

聞之，杖莫如信，完守以老。楚杖信以

待晉，不亦可乎？子駟曰：詩云

小雅。

謀夫孔多，是用不集。

發言盈庭誰敢執其咎如匪

彼也

行邁謀

謀于路人也

是用

不得于道

衆無遠從

請從楚駢

子駢名

也受其咎乃及楚平

使王子伯駢告于晉曰君命敝邑修而車賦儆而師

徒以討亂畧蔡人不從敝邑之人不敢寧處患索

盡也

敝賦以討于蔡獲司馬變獻于邢丘今楚來討曰女

何故稱兵于蔡焚我郊保馮陵我城郭

馮迫也

敝邑之

衆夫婦男女不遑啓

小跪也

處以相救也翦焉傾覆無

所控告民死亡者非其父兄即其子弟夫人愁痛不

知所庇民知窮困而受盟于楚孤也與其二三臣不能禁止不敢不告知武子使行人子員對之曰君有楚命亦不使一介

獨使也

行李

行人也

告于寡君而即安

于楚君之所欲也誰敢違君寡君將帥諸侯以見于城下唯君圖之 于是及楚平不書鄭無信也

晉侯使士匄來聘

左傳范宣子來聘且拜公之辱告將用師于鄭

九年春宋災

災公作火

左傳春宋災樂喜

字

為司城以為政

素戒為備

使伯

氏

宋大夫

司里

里

火所未至徹小屋塗大屋陳畚

簣

揭

王

具綆

汲

缶

汲

備水器

盆

量輕重

計人

力蓄

水潦

積土塗巡丈城

十尺為丈巡行其城以丈度之故云丈城

繕守備

行度守備之處

恐因災作亂

表火道使華臣

華元字

具正徒

後

令隧正

官

納郊保奔火所使華閱討右官官庀其司

閱亦華元字代元為

右師討治

向戌

左

討左亦如之使樂遄

司

庀刑器

刑書

亦如之使皇鄭命校正出馬工正出車備甲兵庀武

守

皇鄖皇父充石之後授正主馬工正主車使各備其官

使西鉏吾

太宰也

庀府

守

六官之典

令司宮

卷臣

巷伯

寺人

徹宮二師

左右師

令四鄉正

鄉大夫

敬享祝宗用馬于四墉祀盤庚于西門之外

祝大

祝宗宗人墉城也用馬祭于四城以饗大盤庚殷王宋之遠祖凡天災有幣無牲用馬祀盤庚皆非禮

晉侯問於士弱

士渥濁之子莊子

曰吾聞之宋災於是知有

天道何故對曰古之火正或食於心或食於味

行又反

以出內火是故味為鶉火心為大火

謂火正之官配食于火星建辰

之月鶉火星昏在南方則令民出火建戌之月大火星伏在日下夜不得見則令民內火禁放火

陶

唐氏之火正閼伯

高辛氏之子
閼於舊反

居商丘祀大火而火

紀時焉

謂出內
火時

相土因之

契孫商
之祖也

故商主大火

相土
始代

閼伯之後居
商丘祀大火

商人閱其禍敗之釁必始於火是以曰

知其有天道也公曰可必乎對曰在道國亂無象不

可知也杜氏曰天火曰災來告故書

夏季孫宿如晉

左傳報宣子之聘也

五月辛酉夫人姜氏薨

秋八月癸未葬我小君穆姜

公作
繆姜

附左傳秦人侵晉晉饑弗能報也

冬公會晉侯宋公衛侯曹伯莒子邾子滕子薛伯杞伯

小邾子齊世子光伐鄭十有二月己亥同盟于戲

許宜
反

左傳冬十月諸侯伐鄭庚午季武子齊崔杼宋皇鄆

從荀罃士匄門於鄭門

鄭城
門

衛北宮括曹人邾人從

荀偃韓起門於師之梁

亦鄭
城門

滕人薛人從樂廩士魴

門於北門杞人邾人從趙武斬行栗

行栗表
道樹

甲戌師

於記

東記

令於諸侯曰修器備盛饌糧歸老幼

示將久師

居

疾於虎牢

諸侯已取鄭虎牢故使諸軍疾病息其中

肆

緩也

青

過也

圍鄭

不書圍鄭

逆服不成圍

鄭人恐乃行成中行獻子

荀

曰遂圍之以待

楚人之救也而與之戰不然無成知武子曰許之盟

而還師以敝楚人吾三分四軍

分四軍為三部

與諸侯之銳

諸侯之銳士亦分為三部

以逆來者

楚逆

於我未病楚不能矣

晉各動

而楚三來故曰不能

猶愈於戰暴骨以逞不可以爭

言爭當以謀不可以

暴骨

大勞未艾

息也

君子勞心小人勞力先生之制也

高謀

為勞心之勞

諸侯皆不欲戰乃許鄭成十一月己亥同盟

于戲鄭服也將盟鄭六卿公子駢

子駢

公子發

子發

公子嘉

子

公孫輒

子輒

公孫蠆

子蠆

公孫舍之

子舍

及其大夫門子

師之遠子

皆從鄭伯晉士莊子

士莊

為載書曰自今日既盟

之後鄭國而不唯晉命是聽而或有異志者有如此

盟公子駢趨進曰天禍鄭國使介居二大國之間大

國不加德音而亂以要之使其鬼神不獲歆其禋祀

其民人不獲享其土利夫婦辛苦墊隘無所底告自

今日既盟之後鄭國而不唯有禮與彊可以庇民者

是從而敢有異志者亦如之荀偃曰改載書

子駟亦以所言

載于策故欲改之

公孫舍之曰昭大神要言焉若可改也大

國亦可叛也知武子謂獻子曰我實不德而要人以

盟豈禮也哉非禮何以主盟姑盟而退修德息師而

來終必獲鄭何必今日我之不德民將棄我豈唯鄭

若能休和遠人將至何恃於鄭乃盟而還 按荀偃

欲分兵以敵楚後來三駕即用此策也左氏於乃盟

而還之下又記晉人不得志於鄭十二月癸亥復伐之門其三門杜氏不悟其誤因云晉果三分其軍各攻一門與前注自相戾杜氏曰伐鄭而書同盟則鄭受盟可知戲鄭地啖氏曰左氏云冬十月諸侯伐鄭云云門于鄆門云云門于師之梁云云門于北門云云下又云諸侯復伐之十二月癸亥門其三門蓋誤重說也古史或有用周正者或有用夏正者故有兩月不同蓋作傳者承兩國之舊史月數不同遂兩載之又

十有一月己亥同盟于戲左氏云鄭服也因載晉鄭

盟辭

云云

按此誤也若是鄭與盟何不書及鄭同盟乎

又左氏所載之辭乃是晉鄭二國相要何闕諸國之
事故知傳所載者自是晉鄭盟也經書同盟自是晉
與諸國同盟鄭不與也 永嘉呂氏曰按左氏同盟
于戲鄭與焉然柯陵之盟亦書于伐鄭之後則鄭服
未可知今以經考之盟柯陵之後諸侯再伐鄭則其
未得志于鄭可知盟戲之後楚子伐鄭則為鄭服可

知十一年同盟亳城北亦鄭受盟也會于蕭魚亦鄭
與會也皆書于伐鄭之後比事而觀可見矣 胡傳
晉悼公屢與諸侯伐鄭楚輒救之而不與之戰楚師
遂屈得善勝之道矣故下書蕭魚之會以美之

楚子伐鄭

左傳楚子伐鄭子駟將及楚平子孔子矯曰與大國
盟口血未乾而背之可乎子駟子展曰吾盟固云唯
強是從今楚師至晉不我救則楚強矣盟誓之言豈

敢背之且要盟無質

主也

神弗臨也所臨唯信信者言

之瑞也善之主也是故臨之明神不蠲

索也

要盟背之

可也乃及楚平公子罷戎入盟同盟于中分

中分鄭城中里

名罷戎楚大夫

楚莊夫人卒

共王母

王未能定鄭而歸

附左傳晉侯歸謀所以息民魏絳請施舍輸積聚以

貸自公以下苟有積者盡出之國無滯積

散在民

亦無

困人

不匱乏

公無禁利

與民共

亦無貪民

禮讓行

祈以幣更

不用牲

賓以特牲

務崇省

器用不作車服從給行之期年

國乃有節三駕而楚不能與爭

十年春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柵

柵莊加反

左傳會于柵會吳子壽夢也三月癸丑齊高厚相太

子光以先會諸侯于鍾離夏四月戊午會于柵杜

氏曰吳子在柵晉以諸侯往會之故曰會吳柵楚地

夏五月甲午遂滅偃陽

偃音福又彼力反穀作傳

左氏謂晉荀偃士句請伐偃陽而封向戌焉五月甲

午滅之書曰遂滅偃陽言自會也以與向戌向戌辭
乃予宋公杜氏曰偃陽妘姓國今彭城偃陽縣也
按偃陽及柤皆在今沛縣乃吳入中國之要路會
吳于柤遂滅偃陽蓋為吳開道也左氏封向戌之說
無據

公至自會

楚公子貞鄭公孫輒帥師伐宋

陳氏曰凡專將言帥師苟二國會則先序主兵者而

不言帥師言帥師是國自為帥也

晉師伐秦

左傳報其侵也 杜氏曰荀瑩不書不親兵也 按

方勞師于會吳滅偃陽而又西伐秦可謂虐用其民
矣諸侯惟宋事晉最謹今宋受兵不速救而且以報
怨又不知務也據左氏實荀偃帥師而不書畧之也
文公帖楚資秦之力吾以為悼公通吳之不若好秦
也

秋莒人伐我東鄙

左傳莒人間諸侯之有事也故伐我東鄙

公會晉侯宋公衛侯曹伯莒子邾子齊世子光滕子薛

伯杞伯小邾子伐鄭

此三駕之一

左傳諸侯伐鄭齊崔杼使太子光先至于師故長于

滕己酉師于牛首

冬盜殺鄭公子駢公子發公孫輒

駢公殺作雙

按左氏鄭公子駢當國發為司馬輒為司空駢與尉

止有爭及為田湫司氏堵氏侯氏子師氏皆喪田故
五族聚不逞之徒以作亂入西宮殺三卿于朝不稱
大夫程子以為失卿職也杜氏曰以盜為文故不
得言其大夫

戍鄭虎牢楚公子貞帥師救鄭

左氏載諸侯之師城虎牢而戍之鄭及晉平楚子囊
救鄭晉荀瑩曰我實不能禦楚鄭何罪不如還也楚
人亦還前城虎牢不言鄭此戍虎牢則繫之鄭者黎

氏云城則取而城之故經有城楚丘城緣陵皆不繫之國戍者以兵守衛之故經有戍衛戍陳皆繫之國王氏云城虎牢不繫之鄭者時鄭從楚中國取其虎牢而城之為中國守險以制鄭非為鄭而城之也戍虎牢而繫之鄭者時鄭已從晉中國恐楚伐鄭故置兵守衛以拒楚是為鄭而戍之也按鄭及晉平于戍虎牢之後則謂鄭已從晉恐楚伐鄭為鄭而戍者亦未合左氏曰非鄭地也言將歸焉恐實有此意蓋既

欲駐師阨險以逼之亦兼欲斷荆楚之路為鄭屏蔽
鄭服則將歸焉德威並行以示懷納于鄭故春秋原
其志而書之也城而不戍猶不城也楚來爭鄭徐合
諸侯以救之無及于楚而勦民猶不救也此戍虎牢
之意也戍則常宿兵峙糧據險退可守進可戰鄭服
則保鄭以拒楚鄭貳則我扼其要而制其肩背南向
足以禦楚而反向足以臨鄭 胡氏謂不繫鄭者責
在鄭繫鄭者罪諸侯不以義服書救者許楚皆非經

意

公至自伐鄭

十有一年春王正月作三軍

左傳春季武子將作三軍

魯未無中軍唯上下二軍皆屬于公有事三子更帥

以征伐季氏欲專其民入故假立中軍因以改作

告叔孫穆子曰請為三軍

各征其軍

征賦稅也

穆叔曰政將及子子必不能

政者伯國之政

令禮大國三軍魯次國而為大國之制貢賦必重故憂不能堪耳

武子固請之穆子

曰然則盟諸

穆子知季氏將復變易故盟之

乃盟諸僖闕

僖宮之門詛諸

五父之衢

五父衢道名在魯國東南

正月作三軍三分公室而各

有其一三子各毀其乘

說見下

季氏使其乘之人以其

後邑入者無征不入者倍征孟氏使半為臣若子若

弟叔孫氏使盡為臣不然不舍

說並見下

孔氏曰昭五

年云舍中軍明此年作而彼年舍故知舊有二軍今

增立中軍也然則止是作中軍耳而云作三軍者傳

言三子各毀其乘則舊時屬己之乘毀之以足成三

軍是舊軍盡廢而全改作之故云作三軍也往前民

皆屬公國家自有二軍若非征伐不屬三子故三子
自以采邑之民為己之私乘如子產出兵車十七乘
之類是其私家車乘也今既三分公室所分得者即
是己有不須更立私乘故三子各自毀壞舊時車乘
部伍分以足成三軍也其乘之人即所分得者國內
三分有一之人也後謂共官力役則今之丁也邑謂
賦稅若今之租調也以其後與邑皆來入季氏者則
無公征不入季氏者則使公家倍征之設利病以懼

民驅之使入己耳孟氏取其子弟之半四分其乘之人以三歸公而取其叔孫氏盡取子弟以其父兄歸公昭五年傳追說此事云季孫盡征之叔孫氏臣其子弟孟氏取其半焉臣其子弟謂以父兄歸公取其半又如叔孫所取中更以半歸公也彼傳順序此文顛倒杜氏曰制軍分民不如是則三家不舍其故而改作也此蓋三家盟詛之本言胡傳古者大國三軍次國二軍小國一軍僖公之詩曰公車千乘

車而謂之公車則臣下無私乘也徒而謂之公徒則臣下無私民也若有侵伐諸卿更帥以出事畢則將歸於朝車復於甸甲散於丘卒還於邑不相繫也文宣以來政在私門襄公幼弱季氏益張廢公室之三軍而三家各有其一季氏盡征焉而舊法亡矣是以謂之作按杜氏謂魯舊二軍今增立中軍緣三子各毀其乘舊軍盡廢而全改作之故曰作三軍胡氏謂魯本有三軍今廢公室之三軍而三家各有其一

故謂之作三軍胡氏發臣無私乘無私民之義甚中肯綮而說作三軍處未瑩蓋依周制則魯侯國止有二軍耳僖公之車千乘徒三萬亦僭也自周衰軍制僭亂而言晉已六軍矣觀魯成公作丘甲之後魯之軍亦踰制矣季孫行父滅孫許叔孫僑如公孫嬰齊以四卿並將于鞏之役則不止于三軍可知已然制度既壞則增減分合亦無定雖晉軍亦然而況魯乎伯主之令軍多則貢賦多魯之軍有時而為三有時

而自減為二皆不可知也此作三軍蓋承乎自減為
二之後杜氏謂增立中軍其說是也增立中軍止可
謂之作中軍而曰作三軍者三家欲專其民人各毀
其乘而改作之孔氏之說是矣 前書城費此書作
三軍明年書季孫宿救台遂入鄆著季氏之強也其
後享范獻子而公臣不能具三耦民不屬公矣

夏四月四卜郊不從乃不郊

穀梁傳夏四月不時也四卜非禮也 因四卜之瀆

以著魯郊之僭 汪氏曰僖三十一年亦四卜郊不從但書免牲不書不郊蓋免牲則不郊可知此云不郊則卜免牲不吉而不敢免也

鄭公孫舍之帥師侵宋

左傳鄭人患晉楚之故諸大夫曰不從晉國幾亡楚弱于晉晉不吾疾_{急也}也晉疾楚將辟之何為而使晉師致死于我楚弗敢敵而後晉可固與也子展曰與宋為惡諸侯必至吾從之盟楚師至吾又從之則晉

怒甚矣晉能驟來楚將不能吾乃固與晉大夫說之
使疆場之司惡于宋宋向戌侵鄭大獲子展曰師而
伐宋可矣若我伐宋諸侯之伐我必疾吾乃聽命焉
且告於楚楚師至吾又與之盟而重賂晉師乃免矣
夏鄭子展侵宋 按鄭之謀國有二犧牲玉帛待於
二竟欲唯強是從者子駟也晉君方明八卿和睦知
必不棄鄭欲仗信以待晉者子展也至是子駟既亡
子展遂堅於從晉然猶必侵宋以致諸侯之師使晉

師驟來而後固與晉者蓋前此從晉則楚師至從楚則晉師至今故欲激使晉師致死於鄭楚弗敵而後可固與也卒之晉師三駕而楚弗能與爭可謂如子展之言矣然而子展未知本也子展所見者晉楚之力耳兩強則爭爭則難於兩與也一弱則吾與固矣此子展之見也然使鄭一於信義以從晉致死不貳則以北方與國之多信好之重保鄭却楚有餘矣何至為是瀆武勞人以冀小定而僅給耶故為國在修

德政以自強敦信義以睦隣而待人之強有禮以爲庇幸穀之少懦以苟安者愚而已矣

公會晉侯宋公衛侯曹伯齊世子光莒子邾子滕子薛伯杞伯小邾子伐鄭

此三駕之二

秋七月己未同盟于亳城北

亳蒲洛反公穀作京

左傳四月諸侯伐鄭鄭人行成秋七月同盟于亳范宣子曰不慎必失諸侯諸侯道敝而無成能無貳乎

數伐鄭皆罷于道路

程子曰鄭服而同盟也旋復從楚伐宋

云同見其反覆

杜氏曰亳城鄭地

任氏曰偃師

也故湯都啖氏謂鄭不與盟

公至自伐鄭

楚子鄭伯伐宋

楚未知鄭陰附晉率鄭伐宋而鄭從之

左氏謂楚已
張于秦將以

伐鄭討其從晉鄭
伯逆之因與伐宋

公會晉侯宋公衛侯曹伯齊世子光莒子邾子滕子薛

伯杞伯小邾子伐鄭會于蕭魚

此三駕
之三

左傳九月諸侯悉師

此夏諸侯皆復來

以復伐鄭觀兵于鄭

東門鄭人行成甲戌晉趙武入盟鄭伯冬十月丁亥

鄭子展出盟晉侯

二盟不書不告

十二月戊寅會于蕭魚庚

辰赦鄭囚皆禮而歸之納斥侯

不相備也

禁侵掠晉使叔

肸

叔向

告于諸侯公使臧孫紇對曰凡我同盟小國有

罪大國致討苟有以藉手鮮不赦宥寡君聞命矣

杜氏曰蕭魚鄭地何氏曰中國以鄭故三年之中

五起兵至是乃服其後無干戈之患二十餘年故喜

而詳錄其會 孫氏曰言伐言會者得鄭之辭也鄭
自桓文後晉楚爭之久矣晉悼比歲大合諸侯今始
得之亦能有鄭踰二十年此晉悼之績也 陳氏曰
有地會而後伐者矣未有伐而後地會者也地會而
後伐未集事之辭也伐而後地會集事之辭也

公至自會

程子曰兵不加鄭

謂觀兵于東門

故書至自會 李氏曰厲

公三伐終以伐致悼公三伐終以會致春秋之立文

精矣

楚人執鄭行人良霄

穀作良霄

左傳鄭人使良霄大宰石奭如楚告將服于晉曰孤以社稷之故不能懷君君若能以玉帛綏晉不然則武震以攝威之孤之願也楚人執之書曰行人言使人也杜氏曰書行人言非使人之罪古者兵交使在其間所以通命示整或執殺之皆以為譏石奭為介故不書釋例曰使以行言言以接事信令之要

於是乎在舉不以怒則刑不濫刑不濫則兩國之情
得通兵有不交而解者皆行人之勲也是以雖飛矢
在上走驛在下及其末節不統大理遷怒肆忿快意
於行人譬諸豺狼求食而已傳曰鄭人使伯蠲行成
晉人殺之非禮也兵交使在其間可也故夫子特顯
行人之文

冬秦人伐晉

報去年之役且秦景公之妹為楚共王夫人故為楚

伐晉然楚既無以爭鄭秦亦安能黨楚左氏記晉為秦所敗而經不書者無傷晉之大體也

十有二年春王二月莒人伐我東鄙圍台季孫宿帥師

救台遂入鄆

台穀作郚
鄆公作運

莒五年之間三伐魯魯未暇治之今又圍魯邑故季氏既救吾邑遂入莒邑以報之也自穀梁稱受命而救台不受命而入鄆諸家自此爭攻季孫之生事夫季孫固可責也然魯政出乎季孫入鄆固不受命救

台亦果受命者乎 杜氏曰琅邪費縣南有台亭鄆

莒邑 宿始繼父為政即城費以固其私邑繼而作

三軍分公室今而救台遂入鄆又取邑以自廣昭公

遂定無正夫豈一朝一夕之故哉 劉氏曰公羊云伐

而言圍者取邑之辭也非也伐一事也圍一事也取

一事也三者不相亂穀梁云取邑不書圍安足書也

亦非也取邑不書有所避耳

夏晉侯使士魴來聘

左傳來聘且拜師

秋九月吳子乘卒

吳始書卒

左傳秋吳子壽夢卒

壽夢吳子之號

臨於周廟禮也

周廟文王廟也

周公出文王致魯立其廟以鄭祖厲王立所出王廟知其然也哀二年蒯賁禱云敢昭告皇祖文王是衛亦立文王廟也郊特牲曰諸侯不敢祖天子大夫不敢祖諸侯公廟之設于私家非禮也而諸侯得立王廟者彼謂無功德非王命而輒自立之則為非禮魯衛有大功德王命立之鄭祖厲王亦然

凡諸

侯之喪異姓臨於外

于城外向其國

同姓於宗廟

所出王

同

宗於祖廟

始封君之廟

同族於禰廟

父廟也同族謂高祖以下

是故魯

為諸姬臨於周廟為邢凡蔣茅胙祭

六國皆周公之
支子別封為國

共祖
周公臨於周公之廟

冬楚公子貞帥師侵宋

附左傳靈王求后於齊齊侯問對於晏桓子桓子對

曰先王之禮辭有之天子求后於諸侯諸侯對曰夫

婦所生若而人

不敢譽亦不敢毀
曰若而人此謂遠者

妾婦之子若而

人

此謂非
遠者

無女而有姊妹及姑姊妹

古人謂姑為姑
姊妹若父之姊

為姑姊父之妹為姑姊妹列女傳梁有節姑妹入
大而教兄子是謂父妹為姑妹也後始單稱姑

則曰

先守某公之遺女若而人齊侯許昏王使陰里

周大夫

結之

公如晉

左傳公如晉朝且拜士魴之辱禮也 趙氏曰大國使聘即須自往拜之是公無寧歲也而左氏言禮也一何謬乎此自別事故須往耳

十有三年春公至自晉

左傳孟獻子書勞于廟禮也 趙氏曰從朝還非有

軍戎險難之事何書勞之有 杜氏曰還告廟及飲

至及書勞三事偏行一禮則亦書至悉闕乃不書

夏取邾

音詩公
作詩

左傳夏邾亂分為三師救邾遂取之凡書取言易也

不用師徒及用師徒
而不勞雖國亦曰取

用大師焉曰滅

敵人距戰斬獲
俘馘用力重難

雖邑亦
曰滅

弗地曰入

謂勝其國邑
不有其地

杜氏曰邾小國任

城亢父縣有邾亭

劉氏曰左氏曰凡書取言易也

非也春秋褒善貶惡難易何足記乎 晉始息民是

以楚侵宋而不報魯取邾而不討取無大亂而已

附左傳荀瑩士魴卒晉侯蒐于綿上以治兵

為將命軍帥也

必蒐而命之所以與衆共

使士匄將中軍辭曰伯游

荀

長晉臣習

於知伯是以佐之非能賢也

七年韓厥老知瑩代將中軍士匄佐之習謂久

熟故相佐

請從伯游荀偃將中軍

代瑩

士匄佐之

位如故

使韓

起將上軍辭以趙武又使欒黶

以武位卑故不聽更命黶

辭曰臣

不如韓起韓起願上趙武君其聽之使趙武將上軍

自新軍趙四等代偃

韓起佐之欒黶將下軍魏絳佐之

黶亦如絳自

新軍佐起一
等代士勳

新軍無帥

特佐

晉侯難其人使其什吏

率其卒乘官屬以從於下軍

秋九月庚辰楚子審卒

冬城防

左傳書事時也

十有四年春王正月季孫宿叔老會晉士匄齊人宋人
衛人鄭公孫蠆曹人邕人邾人滕人薛人杞人小邾人

會吳于向

蠆丑邁反公
作蠆後同

左傳吳侵楚楚敗吳師吳告敗于晉會于向為吳謀
楚也 吳氏曰左氏以此會為為吳謀楚然吳在向
而晉率諸侯之大夫往會之是晉有求于吳非吳有
求于晉也疑左氏所載事迹非其實 杜氏曰叔老
聲伯字也魯使二卿會晉敬事霸國晉人自是輕魯
幣而益敬其使故叔老雖介亦列于會向鄭地齊子
叔老字言晉敬魯使經所以並書二卿 胡傳使舉
上客而叔老並書季孫宿以卿為介叔老介于宿蓋

兩失之

附左傳吳子諸樊既除喪

諸樊吳子
乘之長子

將立季札

札諸樊少

弟

季札辭曰曹宣公之卒也諸侯與曹人不義曹君

負芻也殺太
子而自立

將立子臧子臧去之遂弗為也以成曹

君君子曰能守節君義嗣也誰敢奸君有國非吾節也札雖不才願附於子臧以無失節固立之棄其室

而耕乃舍之

史記曰壽夢有子四人長曰諸樊次曰
餘祭次曰夷昧次曰季札季札賢而壽

夢欲立之季札讓不
可于是立長子諸樊

二月乙未日有食之

夏四月叔孫豹會晉荀偃齊人宋人衛北宮括鄭公孫

蠆曹人莒人邾人滕人薛人杞人小邾人伐秦

晉秦兵爭止此

左傳夏諸侯之大夫從晉侯伐秦以報櫟之役也晉

侯待于竟使六卿帥諸侯之師以進至于殽

位逼反

林

秦地不獲成

秦不服

荀偃令曰雞鳴而駕塞井夷竈唯余

馬首是瞻欒黶曰晉國之命未有是也余馬首欲東

乃歸下軍從之伯游曰吾今實過悔之何及多遺秦

禽乃命大還晉人謂之遷延之役 高氏曰春夏興

師煩擾列國將帥不和威德兩弛晉悼之政衰矣

己未衛侯出奔齊

公作衛侯行

左傳衛獻公戒孫文子甯惠子食皆服而朝日旰不
召而射鴻于圃二子從之不釋皮冠而與之言二子

怒孫文子如戚

文子邑

孫蒯

文子之子

入使公飲之酒使大

師歌巧言

詩小雅

之卒章

其詞曰彼何人斯居河之
桑無麥無勇職為亂階

蒯

懼告文子文子曰君忌我矣弗先必死并帑於戚而

入見蘧伯玉曰君之暴虐乎所知也大懼社稷之傾

覆將若之何

伯玉蘧瑗

對曰君制其國臣敢奸之雖奸之

庸知愈乎

言逕君更立未如當差否

遂行從近闕出公使子矯子

伯子皮

三子衛犀公子

與孫子盟于丘宮孫子皆殺之公出

奔齊

丘宮近戚地

衛人立公孫剽孫林父甯殖相之以聽

命于諸侯

剽穆公孫

胡傳按左氏衛甯殖將死語其子

曰吾得罪於君名在諸侯之策曰孫林父甯殖出其

君今春秋書衛侯出奔齊而不曰孫林父甯殖出其

君者蓋仲尼筆削不因舊史之文也或曰孫甯出君
衆所同疾史策書之是也聖人曷為不暴其罪而反
以歸咎人主哉曰臣而逐君其罪已明矣人君擅一
國之名寵神之主民之望也所為見逐無乃肆於民
上縱其淫虐以棄天地之性乎故衛衎出奔不書所
逐之臣而以自奔為名所以警乎人君為後世鑒也
啖氏張氏說見桓十五年鄭伯突出奔蔡下 按
春秋唯弑君書某弑其君至於君為其下所出止書

出奔而已如臣見遂亦止書某奔某

上名下國

也胡氏謂

舊史書孫林父甯殖出其君而仲尼筆削稱衛侯出奔恐無此理出之為言不容而見遂之謂也臣子施於君父而史臣直書於策則非辭也故但言出奔而已言出奔則或君無道或臣強皆可推上下比事而見之矣專以為歸罪其君者害教之言也 師曠之

言足以警其君而不足以訓其臣信如其言是君可出矣曰君神之主也民之望也若困民之主匱神乏

祀百姓絕望社稷無主將安用之弗去何為是何言哉殆亂臣賊子之口實也

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公孫蠆莒人邾人于戚

左傳晉侯問衛故於中行獻子

荀偃

對曰不如因而定

之衛有君矣伐之未可以得志而勤諸侯史佚有言

曰因重而撫之

重不可移就撫安之

仲虺有言曰亡者侮之亂

者取之推亡固存國之道也君其定衛以待時乎冬

會于戚謀定衛也薛氏曰衛亂不討會其賊以定

之非義也

按荀偃本亦弑賊

與樂書弑厲公

故為逆賊林

父謀而成其亂會地又賊之私邑也凡今年春列國

之會于向者大半不至亦可見人心之公而晉悼坐

荀偃之誤不少矣自是至剽弑衎歸衛有二君者十

年晉實為之也是時魯有三家齊有崔慶衛有孫甯

晉有荀范強家以類相庇以悼公之賢而無能為于此也惜哉蓋公怠矣明年遂薨亦其不學而惜於人倫大義之所致也 張氏曰前書衛侯之奔此列孫林父于會晉為霸主抑君而臣是助具書于策則晉大夫之黨林父其惡具見左氏所載師曠中行偃之言專罪其君情可見矣 高氏曰諸國書卿明皆林父之儔也

十有五年春宋公使向戌來聘二月己亥及向戌盟于

劉

杜氏曰報二年豹之聘尋十一年亳之盟 鄭氏曰
劉魯地

劉夏逆王后于齊

左傳官師

劉夏也

從單靖公逆王后于齊卿不行非禮

也 杜氏曰劉采地夏名也天子卿書字劉夏非卿
故書名天子無外所命則成故不言逆女又曰劉夏
獨過魯告昏故不書單靖公天子不親昏使上卿逆

而公監之故曰卿不行非禮 趙氏曰若有單公經
不應不書故知妄

夏齊侯伐我北鄙圍成公救成至遇

公羊傳其言至遇何不敢進也 杜氏曰遇魯地書

至遇公畏齊不敢至成

季孫宿叔孫豹帥師城成郛

左傳齊侯圍成貳於晉故也於是乎城成郛

秋八月丁巳日有食之

邾人伐我南鄙

左傳秋邾人伐我南鄙使告于晉晉將為會以討邾
莒晉侯有疾乃止冬晉悼公卒遂不克會

冬十一月癸亥晉侯周卒

李氏曰悼公立於成公十八年凡十六年起四公之
衰復文襄之盛入國之明日遂不臣者七人即位之
一月取六官於民譽八年九合則勤於安夏也三分
四軍則謹於用民也騶御知訓則教士有法也此其

所以能得諸侯服鄭而駕楚也然能服諸侯而不能
杜大夫用事之漸能得鄭而不能掩失陳之責能駕
楚而不能蓋誘吳之非蕭魚以後凡三大會荀偃士
句儼然臨之何謹於諸侯而縱於大夫乎陳不可棄
猶鄭不可舍也戊陳之役以為有陳非吾事無之而
後可鄭雖向晉陳竟歸楚何工於撫鄭而拙於懷陳
乎吳不可啟猶楚不可張也會向之役欲數吳不德
以退吳人亦已晚矣楚患少息吳憂復甚何明於治

楚而暗於治吳乎不然悼公之霸過桓文矣 按不
討衛孫林父甯殖逐君之惡尤失之大者有關中國
之世教焉魯之三家晉之六卿齊之崔慶陳氏視此
而縱矣

十有六年春王正月葬晉悼公

三月公會晉侯宋公衛侯鄭伯曹伯莒子邾子薛伯杞

伯小邾子于渙梁

渙古
闕反

左傳春葬晉悼公平公即位

平公悼
公子彪

羊舌肸為傅

叔向

也代士
渥濁

張君臣為中軍司馬

張老字
代其父

祁奚韓襄

無忌
子

樂盈士鞅為公族大夫虞丘書為乘馬御

代程
鄭

改服

修官烝于曲沃

既葬改喪服修官選賢能
曲沃晉祖廟烝冬祭也

警守而下

順河
東行

會于溴梁命歸侵田以我故執邾宣公莒犁比

公且曰通齊楚之使

杜氏曰不書高厚逃歸故也

溴水名出河內軹縣東南至溫入河又曰邾莒在齊

楚往來道中故并以此責之

蘇氏曰衛侯剽也二

十五年衛侯入夷儀衎也二君皆稱衛侯按晉悼

公將為魯討邾莒未果而卒平公初立以父之志兼
虞諸侯有異志故為是會以嗣霸而攬諸侯也然踰
月而葬改服而然其不懷親也甚矣方在喪稱子之
日而合諸侯接會享使諸大夫歌詩必類其越於禮
也大矣國君風化之本人倫政事之基而所為若此
不待大夫專盟而後可罪也 趙氏曰高厚若已在
會棄盟而逃經不合不書僖五年會首止鄭伯逃歸
不盟襄七年會于鄆陳侯逃歸並書以明其罪何得

此不書乎

戊寅大夫盟

左傳晉侯與諸侯宴于溫使諸大夫舞曰歌詩必類
齊高厚之詩不類荀偃怒且曰諸侯有異志矣使諸
大夫盟高厚高厚逃歸於是叔孫豹晉荀偃宋向戌
衛甯殖鄭公孫蠆小邾之大夫盟曰同討不庭公
羊傳諸侯皆在是其言大夫盟何信在大夫也何言
乎信在大夫偏刺天下之大夫也曷為偏刺天下之

大夫君若贅旒然 穀梁傳溴梁之會諸侯失正矣
諸侯會而曰大夫盟正在大夫也諸侯在而不曰諸
侯之大夫大夫不臣也 張氏曰春秋莊十三年以
前禮樂征伐自諸侯出而權未一也自桓文繼霸中
國之政齊晉專之然猶在諸侯也至今年以後則皆
自大夫出矣故於此書大夫盟著世變之益降也
陳氏曰文十五年盟扈十七年會扈霸主在而但曰
諸侯者無霸也此盟君在而但曰大夫者無君也

汪氏曰經書大夫不序者四救徐之役諸侯次匡不行而遣大夫往救則大夫之帥師實受諸侯之命也雞澤之盟諸侯已盟而大夫又盟然猶受命而盟袁僑也溴梁之盟則諸侯皆在而大夫自相與盟非諸侯之命矣于宋之盟則諸侯不在而大夫自為會盟矣然經於此年不以大夫繫之諸侯著大夫之無諸侯也于宋之盟復以大夫繫之諸侯不使大夫之終無諸侯也

晉人執莒子邾子以歸

執以歸
始此

左傳見溴梁條下杜氏曰既盟而後告故經書執在
大夫盟下又云邾莒二國數侵魯又無道於其民故
稱人以執不以歸京師非禮也

齊人伐我北鄙

杜氏曰齊貳晉故

夏公至自會

五月甲子地震

叔老會鄭伯晉荀偃衛甯殖宋人伐許

左傳許男請遷于晉

欲叛楚

諸侯遂遷許許大夫不可

晉人歸諸侯

唯以其師討許之不肯遷

鄭子驍聞將伐許遂相鄭

伯以從諸侯之師

鄭與許有宿怨故其君親行

穆叔從公

從公歸

齊

子帥師會晉荀偃書曰會鄭伯為夷故也

夷平也

夏六

月次于棧林庚寅伐許次于函氏

棧林函氏皆許地

按許

小國也嘗請遷于楚矣楚子徵求之重鄭之陵偏之

頻聞晉悼之風義所以又請遷於晉也然以悼不能

有陳而平又豈能保許乎亦不量力矣然小國來而撫之義也其君臣之謀未協許大夫不可盡諭之以德而遽加之兵乎書伐許見不務德而勤兵也不先書主兵之荀偃而書後至之鄭伯臣不可過君也宋稱人蓋微者按春秋之例用兵則主兵者為首大夫雖主兵不得在諸侯上此經所書正其明例左氏乃別生義曰為夷故也說者謂禮卿不會公侯而可以會伯子男此處欲示叔老可以會鄭伯故荀偃在

下殊為曲說無理

秋齊侯伐我北鄙圍成

左作
圍郕

大雩

冬叔孫豹如晉

左傳冬穆叔如晉聘且言齊故晉人曰以寡君之未
禘祀與民之未息不然不敢忘穆叔曰以齊人之朝
夕釋憾於敝邑之地是以大請敝邑之急朝不及夕
引領西望曰庶幾乎比執事之間恐無及也

十有七年春王二月庚午邾子貜卒

邶苦耕反公穀作矚音關

宋人伐陳

夏衛石賈帥師伐曹

左傳衛孫蒯田于曹隧飲馬于重丘

曹邑

毀其瓶重丘

人閉門而詢

罵也

之曰親逐而君

蒯與父共逐其君

爾父為厲

父為惡首故以惡鬼罵之

是之不憂而何以田為夏衛石賈孫蒯

伐曹取重丘曹人愬于晉

秋齊侯伐我北鄙圍桃齊高厚帥師伐我北鄙圍防

桃公

作洮高厚
左無齊字

杜氏曰弁縣東南有桃虛

九月大雩

宋華臣出奔陳

冬邾人伐我南鄙

左傳為齊故也

十有八年春白狄來

白狄始來不言朝狄不能朝亦不與其朝也夷狄於

天子世一見諸侯不得通也君子德不及焉不享其
贄天子而讓也況守藩之臣乎

夏晉人執衛行人石賈

左傳為曹故也 按石賈即前年伐曹者使晉治之
以其罪則不當書行人傳與經不合

秋齊師伐我北鄙

穀作齊侯

冬十月公會晉侯宋公衛侯鄭伯曹伯莒子邾子滕子
薛伯杞伯小邾子同圍齊

左傳晉侯伐齊將濟河中行獻子以朱絲繫玉二穀

古學反雙

玉曰穀

而禱曰齊環怙恃其險負其衆庶棄好背

盟陵虐神主

民神之主也

曾臣彪將率諸侯以討焉其官

臣偃實先後之苟捷有功無作神羞官臣偃無敢復

濟唯爾有神裁之沈玉而濟冬十月會于魯濟尋溴

梁之言同伐齊齊侯禦諸平陰塹防門而守之廣里

平陰城在濟北盧縣東北其城南有防防有門于門外作塹橫行廣一里故經書圖

齊侯登巫

山以望晉師

巫山在盧縣東北

晉人使司馬斥

侯也

山澤之險

雖所不至必旆而疏陳之使乘車者左實右僞以旆先

輿曳柴

以揚塵

而從之齊侯見之畏其衆也乃脫歸

脫不

張旌幟

丙寅晦齊侯夜遁

程子曰書同圍見諸侯之

惡齊

按韋之戰晉為魯衛伐齊春秋不與也今年

之役為魯伐齊而與之者何韋之役名為魯衛出師

其實大夫逞其私憾况頃公以不謹於禮婦人笑辱

之小故而致兵非若齊環恃其桀暴虐隣殘民四年

之中至於六伐鄙而四圍邑不道之甚為諸侯所共

疾也晉討得其罪與衆同欲而非為其私也故書同圍以與之

曹伯負芻卒于師

楚公子午帥師伐鄭

左傳鄭子孔欲去諸大夫將叛晉而起楚師以去之

使告子庚

楚令尹公子午

子庚弗許楚子聞之使楊豚尹宜

告子庚曰國人謂不穀主社稷而不出師死不從禮不穀即位於今五年師徒不出人其以不穀為自逸

而忘先君之業矣大夫圖之其若之何乎庚歎曰君
王其謂午懷安乎吾以利社稷也見使者稽首而對
曰諸侯方睦於晉臣請嘗之若可君而繼之不可收
師而退可以無害君亦無辱楚師伐鄭門于純門信
于城下而還晉人聞有楚師師曠曰不害吾驟歌北
風又歌南風南風不競多死聲楚必無功

十有九年春王正月諸侯盟于祝柯

柯公作阿

左傳諸侯還自沂上盟于督揚

即祝柯

曰大母侵小

杜氏曰前年同圍齊之諸侯也 張氏曰後漢志平

原郡祝阿春秋時曰祝柯地譜齊州禹城縣齊邑

孫氏曰諸侯不序前日後凡也

晉人執邾子

左傳執邾悼公以其伐我故 杜氏曰稱人以執惡

及民也

公至自伐齊

會書圍而致書伐書勞勩則圍為重辨曲直則伐為

善

取邾田自漵水

邾好號反
又音郭

左傳遂次于泗上疆我田

正邾魯之界
也泗水名

取邾田自漵

水歸之于我

孔氏曰邾在魯南田在漵水北今更

以漵水為界取邾漵北之田歸于魯也十六年命歸

侵田此年正邾魯之界則此田舊是魯界邾人取以

為己有今日使之歸魯故曰取邾田也公羊傳曰其

言自漵水何以漵為竟也何言乎以漵為竟漵移也

其意言邾魯以濇水為竟濇水移入邾界魯隨而有之其說不可通也 杜氏曰濇水出東海合鄉縣西南經魯國至高平湖陸縣入泗

季孫宿如晉

謝討齊并疆邾田也

葬曹成公

夏衛孫林父帥師伐齊

前討齊未得志

齊師自適獲其殿者二人而竟未得其成

故荀偃卒而視

不可舍樂盈有所不嗣事于齊有如河之語則此衛之師其晉命與于強弗友無剛克之德而以興戎于服人之道末矣況衛侯播越在齊已不能正而又使其賊臣主兵以臨之不亦甚乎

秋七月辛卯齊侯環卒

環公作環

左傳齊侯娶于魯曰顏懿姬無子其姪驪

子公反

聲姬

生光以為太子

兄子曰姪顏驪皆二姪母姓因以為號懿聲皆謚

諸子

諸妾姓子

者仲子戎子

皆宋女

戎子嬖仲子生牙屬諸戎子戎子

請以為太子許之仲子曰不可廢常不祥

廢立嫡間之常

諸侯難光之立也列於諸侯矣

列諸侯之會

今無故而廢

之是專黜諸侯而以難犯不祥也君必悔之公曰在

我而已遂東太子光

廢而徙之東鄙

使高厚傅牙以為太子

夙沙衛為少傅齊侯疾崔杼微逆光疾病而立之光

殺戎子尸諸朝非禮也婦人無刑雖有刑不在朝市

夏五月壬辰晦齊靈公卒

經書七月辛卯光定位而後赴

莊公即位

太子光也

執公子牙於句瀆之丘

句古侯反瀆音豆

以夙沙衛易

已衛奔高唐以叛

先謂衛教公易已高唐在祝柯縣西北

晉士匄帥師侵齊至穀聞齊侯卒乃還

公羊傳還者何善辭也何善爾大其不伐喪也此受命于君而伐齊何大乎其不伐喪大夫以君命出進退在大夫也穀梁傳還者事未畢之辭也受命而誅生死無所加其怒不伐喪善之也善之則何為未畢也君不尸小事臣不專大名善則稱君過則稱己則民作讓矣士匄外專君命故非之也然則為士匄

者宜柰何宜殫帷而歸命乎介

除地為殫于殫張帷反命于介介歸告君

君命乃還不敢專也

胡傳使士匄未出晉境殫帷而歸命乎

介可也已至齊地則進退在士匄矣況喪必不可伐
非進退可疑而待請者故至穀聞齊侯卒乃還善之
也

八月丙辰仲孫蔑卒

齊殺其大夫高厚

左傳秋八月齊崔杼殺高厚於灑藍

齊地

而兼其室

高氏曰齊高厚嘗帥師伐我矣晉新行義於齊齊侯始立而欲親晉故歸罪於高厚而殺之以說于晉此明年所以與澶淵之盟也 張氏曰殺高厚者崔杼亦莊公之志也故以累上之辭言之 汪氏曰微崔杼之力莊公固不得立然崔杼殺高厚慶封討風沙衛明年復使慶佐為大夫誅牙餘黨崔慶自是專權而射股之禍兆於此矣

鄭殺其大夫公子嘉

左傳鄭子孔之為政也專國人患之乃討西宮之難
與純門之師甲辰子展子西率國人伐之殺子孔而
分其室 胡傳不稱鄭人者嘉則有罪矣而子展子
西不能正以王法乃利其室而分之有私意焉故稱
國以殺而不去其官 尉止入西宮殺三卿子孔知
而不言前年楚伐鄭門于純門子孔召之

冬葬齊靈公

城西郭

左傳懼齊也

叔孫豹會晉士匄于柯

左傳齊及晉平盟于大隧

地

故穆叔會范宣子于柯

齊晉平魯懼齊故

為柯會以自固

穆叔見叔向賦載馳之四章

四章曰控

于大邦誰

因誰極

叔向曰盱敢不承命

杜氏曰魏郡內黃

縣東北有柯城

城武城

左傳穆叔歸曰齊猶未也不可以不懼乃城武城

按隨侯懼而修德而楚不敢伐齊魯皆千乘之國孔子行乎定公而齊人懼使是時魯之君臣自立有道何至以百里畏人也乃君弱臣惰安於不競內則疲民於亟城之勞外則徼惠於霸國之援亦何益哉

杜氏曰泰山南武城縣

二十年春王正月辛亥仲孫速會莒人盟于向

速公作速後同

左傳及莒平孟莊子會莒人盟于向督揚之盟故也
杜氏曰向莒邑莒數伐魯前年諸侯盟督揚以和

解之故二國自復共盟結其好速代父為卿未練而從政無復三年之喪也孟獻子禪縣而不樂則始不三年其昉於速與

夏六月庚申公會晉侯齊侯宋公衛侯鄭伯曹伯莒子

邾子滕子薛伯杞伯小邾子盟于澶淵

澶市然反

左傳夏盟于澶淵齊成故也按齊靈之不道諸侯

圍之而不服士刳師師伐之聞喪而還晉有禮矣加以莊公初立亦欲求成以自定是以為此盟也然感

不伐喪之義居喪而出盟不已亟乎于經服異則書
同盟此齊成而盟不言同者六月盟于澶淵方至自
會而仲孫速已帥師伐邾諸侯之志不同可知矣
杜氏曰澶淵在頓丘縣南一名繁汙衛地近戚田
秋公至自會

仲孫速帥師伐邾

左傳邾人驟至以諸侯之事弗能報也秋孟莊子伐
邾以報之襄陵許氏曰祝柯之會既執邾子又取

其田報亦足矣而復伐之不已甚乎且澶淵在彼何以盟為

蔡殺其大夫公子燮蔡公子履出奔楚

燮殺
作濕

左傳蔡公子燮欲以蔡之晉蔡人殺之公子履其母弟也故出奔楚初蔡文侯欲事晉曰先君與於踐土之盟晉不可棄且兄弟也畏楚不能行而卒楚人使

蔡無常

徵發
無準

公子燮求從先君以利蔡不能而死

按燮蓋嘗為鄭所獲者欲舍乎楚而從乎晉正也追

先君之志而成之順也楚政無常求寬其民忠也用
事者安楚弗欲而殺之故稱國而不去其官言殺無
罪也履其母弟不奔中國而獨奔楚不與其兄同志
書者罪之也

陳侯之弟黃出奔楚

黃公穀作
先後同

左傳陳慶虎慶寅

陳卿

畏公子黃之偪

恐奪
其政

愬諸楚曰

與蔡司馬同謀

同欲
之晉

楚人以為討公子黃出奔楚

欲
自

也理書曰陳侯之弟黃出奔楚言非其罪也公子黃將

出奔呼于國曰慶氏無道求專陳國暴蔑其君而去
其親五年不滅是無天也 高氏曰陳黃蔡履所以
奔楚自理也黃以寵任太過權逼其卿慶氏譖之而
陳侯不能為之辨明是以一國之大不能容一弟也
襄陵許氏曰二慶執陳之權外介大國以奔其君
之弟而哀公不能正則國何恃而不亡

叔老如齊

左傳齊子初聘于齊禮也 杜氏曰齊魯有怨朝聘

禮絕今始復通故曰初繼好息民故曰禮

冬十月丙辰朔日有食之

季孫宿如宋

左傳報向戌之聘

附左傳衛甯惠子疾召悼子曰吾得罪於君悔而無
及也名藏在諸侯之策曰孫林父甯殖出其君君入
則掩之若能掩之則吾子也若不能猶有鬼神吾有
餒而已不來食矣悼子許諾惠子遂卒

悼子
甯喜

二十有一年春王正月公如晉

左傳拜師及取邾田也

邾庶其以漆閭丘來奔

左傳邾庶其以漆閭丘來奔

庶其邾大夫

季武子以公姑

姊妻之

計公年不得有未婚姑姊蓋寡者二人

皆有賜於其從者於是

魯多盜季孫謂臧武仲曰子盍詰盜武仲曰不可詰

也紇又不能季孫曰我有四封而詰其盜何故不可

子為司寇將盜是務去若之何不能武仲曰子召外

盜而大禮焉何以止吾盜乎為正卿而來外盜使紇
去之將何以能庶其竊邑於邾以來予以姬氏妻之
而與之邑其從者皆有賜焉夫上之所為民之歸也
上所不為而民或為之是以加刑罰焉而莫敢不懲
若上之所為而民亦為之乃其所也又可禁乎庶其
非卿也以地來雖賤必書重地也 穀梁傳漆閭丘
不言及小大敵也 杜氏曰二邑在高平南平陽縣
東北有漆鄉西北有顯閭亭以邑出為叛遼魯而言

來奔內外之辭 汪氏曰定十五年城漆即庶其邑

胡傳小國之大夫不書其以事接我則書

如莒慶秦術之

類以事接我皆書名非專以重地

漆一邑閭丘一邑而不言及者庶

其之私邑所受于君而食之者也書名書地而竊邑

叛君之罪見矣書來奔而魯受叛臣納其地之罪亦

見矣 按昔莒僕以寶玉來奔季文子使出諸竟今

宿乃自受庶其之奔蓋納莒僕者宣公也故行父假

公義以匡君而實陰以攬權焉今已作三軍分公室

則納叛人與其邑皆季氏之有爾故不復顧前日之言矣自受庶其其後莒牟夷邾黑肱接踵而至曲阜之地遂為盜藪然皆非公意也襄公如晉而庶其以漆閭丘來昭公如晉而牟夷以牟婁防茲來昭公在乾侯而黑肱以濫來為盜藪者實季氏也季康子患盜子曰苟子之不欲雖賞之不竊盜與季氏其所取不同而其欲同也季氏以百乘之家而猶患貧患寡至富於周公而不自知其足彼小人貧而不勝其欲

以至於竊又何怪焉孔子告康子之言則春秋書三
叛人以戒為國者不可見利忘義之意也 附左傳

齊侯使慶佐為大夫復討公子牙之黨執公子買於

句瀆之丘公子鉏來奔叔孫還奔燕

三子齊公族言
莊公斥逐親戚

以成崔慶之勢
終有篡弑之禍

夏公至自晉

秋晉欒盈出奔楚

左傳欒桓子

厲

娶於范宣子生懷子

盈

范鞅以其亡

也怨欒氏

十四年晉伐秦欒鍼曰此役也報櫟之敗也役又無功晉之耻也吾有二位于戎路

敢不耻乎與士鞅馳秦師死焉士鞅反欒黶謂士句曰余弟不欲往而子召之余弟死而子來是而子殺

余之弟也士鞅奔秦

故與欒黶為公族大夫而不相能桓子卒

欒祁

桓子妻范宣子女盈之母也

與其老州賔通幾亡室矣懷子

患之祁懼其討也愬諸宣子曰盈將為亂以范氏為

死桓主

謂欒黶

而專政矣曰吾父遂鞅也不怒而以寵

報之

士鞅奔秦後秦伯言于晉而復之言士句不為厲責怒鞅而反與寵位也

又與吾同

官而專之吾父死而益富死吾父而專於國有死而

已吾蔑從之矣其謀如是懼害於主吾不敢不言范

鞅為之徵懷子好施士多歸之宣子畏其多士也信

之懷子為下卿

下卿佐

宣子使城著

晉邑

而遂逐之

在外易逐

欒盈出奔楚宣子殺箕遺黃淵嘉父司空靖祁豫董

叔祁師申書羊舌虎叔羆

十子皆晉大夫欒盈之黨也

囚伯華叔

向籍偃樂王鮒

晉大夫

見叔向曰吾為子請叔向弗應

出不拜其人皆咎叔向叔向曰必祁大夫

祁奚食采于祁因以

為氏祁縣今屬太原

樂王鮒從君者也何能行

何能言皆得行

祁大夫

外舉不棄讐內舉不失親其獨遺我乎晉侯問叔向之罪於樂王鮒對曰不棄其親其有焉於是祁奚老矣聞之乘駟而見宣子曰謀而鮮過惠訓不倦者叔向有焉社稷之固也猶將十世宥之以勸能者今一不免其身以棄社稷不亦惑乎宣子說與之乘以言諸公而免之不見叔向而歸叔向亦不告免焉而朝按樂書弑君而免於討樂騫汰而以內亂亡其家盈奔雖非其罪而積惡有自來矣

九月庚戌朔日有食之冬十月庚辰朔日有食之

石氏曰日食之變起於交也有雖交而不食者春秋二百四十二年而食纔三十六有頻交而食者此年及二十四年三年之內連月而食者再也諸儒以為歷無此法或傳寫之誤然漢之時亦有頻食者高帝三年及文帝前三年十月晦十一月晦是也天道至遠後世執推步之術按交會之度而求之亦已難矣

曹伯來朝

公會晉侯齊侯宋公衛侯鄭伯曹伯莒子邾子于商任

任者

士

左傳錮欒氏也

杜氏曰商任地闕

按欒盈實奔

楚楚非晉令所行也然則合諸侯而錮之何益哉蓋

盈入楚必歷諸國還而求入亦必歷諸國晉知盈必

求入故預約諸國使皆勿容其蹤跡所向以杜其還

爾 附公羊傳十有一月庚子孔子生

二十有二年春王正月公至自會

夏四月

附左傳夏晉人徵朝于鄭鄭人使少正

鄭卿官

公孫僑

子產

對曰在晉先君悼公九年我寡君於是即位即位

八月而我先大夫子駟從寡君以朝于執事執事不
禮於寡君寡君懼因是行也我二年六月朝于楚晉
是以有戲之後楚人猶競而申禮於敝邑敝邑欲從
執事而懼為大尤曰晉其謂我不共有禮是以不敢
攜貳於楚我四年三月先大夫子驍又從寡君以觀

釁於楚晉於是乎有蕭魚之役謂我敝邑邇在晉國
譬諸草木吾臭味也而何敢差池楚亦不競寡君盡

其土實

土地所有

重之以宗器

宗廟禮樂之器鐘磬之屬

以受齊盟遂

帥羣臣隨於執事以會歲終

朝正

貳於楚者子侯石孟

石孟

歸而討之渙梁之明年子矯老矣公孫夏從寡君

以朝於君見於嘗酎

酒之新熟重者為酎嘗新飲酒為嘗酎直又反

與執燭

焉助祭間二年聞君將靖東夏

謂二十年澶淵盟間問廟之間

四月又

朝以聽事期

先澶淵二月往朝以聽會期

不朝之間無歲不聘無

後不從以大國政令之無常國家罷病不虞薦至

仍薦

也無日不惕豈敢忘職大國若安定之其朝夕在庭

何辱命焉若不恤其患而以為口實

口實但有其言而已

其無

乃不堪任命而翦為仇讐敝邑是懼其敢忘君命委諸執事執事實重圖之

秋七月辛酉叔老卒

附左傳秋欒盈自楚適齊晏平仲言於齊侯曰商任之會受命於晉今納欒氏將安用之小所以事大信

也失信不立君其圖之弗聽退告陳文子曰君人執

信臣人執共忠信篤敬上下同之天之道也君自棄

也弗能久矣

九月鄭公孫黑肱有疾

黑肱子張

歸邑於

公召室老宗人立段

段子石黑肱子

而使黜官

無多受職

薄祭祭

以特羊殷以少牢

四時祀以一羊三年歲祭以羊豕殷盛也

足以供祀盡

歸其餘邑曰吾聞之生於亂世貴而能貧民無求焉

可以後亡敬共事君與二三子生在敬戒不在富也

己巳伯張卒君子曰善戒

冬公會晉侯齊侯宋公衛侯鄭伯曹伯莒子邾子薛伯

杞伯小邾子于沙隨

邾子下公穀有滕子

左傳復錮欒氏也欒盈猶在齊晏子曰禍將作矣齊將伐晉不可以不懼按晉以欒氏之故期年之間

再合諸侯見大夫之強也齊人終保盈是令不行也令不行者以欒氏世勲出不以罪士匄之義有不直也觀春秋書二會見其以霸主之勢而強諸侯以不順之令後書伐衛遂伐晉見晉國自亂而盟主至於

受伐其戒深切著明矣 自樂賓以靖侯之孫傳桓叔至貞子枝佐文公霸業枝之子盾事靈公書盾之子盈書之孫也

公至自會

楚殺其大夫公子追舒

左傳楚觀起有寵於令尹子南未益祿而有馬數十

乘楚人患之王將討焉子南之子棄疾為王御士

王御

車者王每見之必泣棄疾曰君三泣臣矣敢問誰之罪

也王曰令尹之不能爾所知也國將討焉爾其居乎

對曰父戮子居君焉用之泄命重刑臣亦不為王遂

殺子南於朝轅觀起於四竟子南之臣謂棄疾請徙

子尸於朝

欲犯命取殯

曰君臣有禮唯二三子三日棄疾

請尸王許之既葬其徒曰行乎曰吾與殺吾父行將

焉入曰然則臣王乎曰棄父事讐吾弗忍也遂縊而

死杜氏曰傳譏康王與人子謀其父失君臣之義

棄疾之事與唐李懷光之子李瓘甚相類瓘嘗諫

其父力竭而不能回則勸德宗為之備父敗則與之俱死棄疾之事據傳之所載豈亦嘗諫其父而不從乎

二十有三年春王二月癸酉朔日有食之

三月己巳杞伯匄卒

左傳杞孝公卒晉悼夫人

晉平公母杞孝公姊妹

喪之平公不

徹

去也

樂非禮也禮為隣國闕

杜氏曰禮諸侯絕期

故以隣國責之

孔氏曰杞孝公晉平公之舅也尊

同不降於禮當服總麻三月但總服既輕其恩不過鄰國故傳言禮為鄰國闕也

夏邾畀我來奔

公作
真我

杜氏曰畀我是庶其之黨同有竊邑叛君之罪來奔故書

葬杞孝公

陳殺其大夫慶虎及慶寅

左傳陳侯如楚公子黃愬二慶於楚楚人召之使慶

樂

二慶之族

往殺之慶氏以陳叛夏屈建從陳侯圍陳

屈建

楚莫

陳人城

治城以距君

板隊而殺人

隊直類反板城築之板也慶氏督役

教

怒其板墜遂殺

蔡人言其虐

役人相命各殺其長遂殺慶虎慶寅

楚人納公子黃

按慶虎慶寅據國叛君其罪大矣

不正其誅而稱國以殺何也見陳侯之不能以罪討

也小人欲專其權寵而不能遠至欲去其介弟以除

偏而不能保使肆誣於大國而不能辨幸而公子黃

之理得申陳侯始得因楚之力以討叛而二賊以城

築之虐自見殺于後人之手故不以討賊之辭言之
使陳能討賊則必如欒黶良霄之例矣使楚能為陳
討賊則必如夏徵舒慶封之例矣 杜氏曰二十年
二慶譖黃黃奔楚今陳侯往楚乃信黃言及史異辭
無義例

陳侯之弟黃自楚歸于陳

杜氏曰諸侯納之曰歸黃至楚自理得直故為楚所
納

晉樂盈復入于晉入于曲沃

左傳晉將嫁女于吳齊侯使析歸父媵之以蒲載樂

盈及其士

蒲車之有障蔽者若使媵妾在其中

納諸曲沃樂盈夜見晉

午而告之

晉午守曲沃大夫

對曰不可天之所廢誰能興之

子必不免吾非愛死也知不集也盈曰雖然因子而

死吾無悔矣我實不天子無咎焉許諾伏之而觴曲

沃人樂作午言曰今也得樂孺子何如對曰得主而

為之死猶不死也皆歎有泣者爵行又言皆曰得主

何貳之有盈出徧拜之

謝衆之思已

四月欒盈帥曲沃之

甲因魏獻子

魏舒

以畫入絳

晉國都

或告曰欒氏至矣范

宣子懼奉公以如固宮

固宮宮之有臺觀備守者

范鞅逆魏舒則

成列既乘將逆欒氏矣趨進曰欒氏帥賊以入鞅之

父與二三子在君所矣使鞅逆吾子鞅請驂乘持帶

驂乘必持帶防隊隋

遂超乘

跳上獻子車

右撫劍左援帶

超

命驅之

出僕請

請所

鞅曰之公宣子逆諸階執其手賂之以

曲沃范氏之徒在臺後欒氏乘公門宣子謂鞅曰矢

及君屋死之鞅用劍以帥卒樂氏退攝車從之

鞅攝宣子

戎車樂盈奔曲沃晉人圍之

按納樂盈者齊也不稱

所自譬如盜賊潛入之爾盈將不利於宗國非晉臣
矣猶繫於晉彼晉之世臣遂非國討而出於柄臣之
私意也入於曲沃則入於晉矣故自齊入曲沃自曲
沃入絳而惟書復入於晉也自晉奔曲沃而特書入
於曲沃也曲沃人願為之死則其入於絳也曲沃有
奉焉其退而奔也曲沃有受焉而書曰入深惡之也

曲沃即桓叔所封嘗以傾晉而其民為之隱曰我聞
有命不敢以告人今為欒氏私邑復感其私恩莫知
有君臣之分逆順之理聞語欒孺子則泣以為得主
而為之死猶不死也當是時強家得衆皆以厚施於
民使知有私家而不知有公室春秋所以書為後世
戒也其亦深切著明矣 杜氏曰以惡入曰復入兵
敗奔曲沃據曲沃衆還與君爭非欲出附他國故不
言叛

秋齊侯伐衛遂伐晉

左傳秋齊侯伐衛自衛將遂伐晉晏平仲曰君恃勇
力以伐盟主憂必及君崔杼諫曰不可臣聞之小國
間大國之敗而毀焉必受其咎弗聽陳文子

完之孫
須無

見崔武子曰將如君何武子曰吾言於君君弗聽也
以為盟主而利其難羣臣若急君於何有

言有急不
能顧君欲

藏之以
說晉

子姑止之文子退告其人曰崔子將死乎謂

君甚而又過之過君以義猶自抑也況以惡乎齊侯

遂伐晉取朝歌

今屬汲郡

為二隊

分兵為二部

入孟門

晉隘道

登

太行

山在河內郡北

張武軍

謂築壘壁

於熒庭

晉地

戍郛邵

取晉邑而守之

封少水

封晉尸于少水以為京觀

以報平陰之役乃還趙勝帥東

陽之師以追之獲晏犛

趙勝趙犛之子東陽晉之山東魏郡廣平以北晏犛齊大

夫

杜氏曰兩事故言遂

八月叔孫豹帥師救晉次于雍榆

雍於用反榆公穀作渝

公羊傳曷為先言救而後言次先通君命也穀梁

傳言救後次非救也杜氏曰豹救晉待命於雍榆

雍榆晉地汲郡朝歌縣東有雍城 蘇氏曰聶北之
後先言次而後言救按兵待時卒能救邢故以救終
之也雍榆之後先言救而後言次以救晉出兵而盤
桓於雍榆不及於事故以次終之也 陳氏曰次而
救匿其救之之形也救而次宣其救之之聲也書救
晉何晉遂失霸也以區區之魯何救於晉書救晉則
天下益多故矣盟於宋而南北分會於申而淮夷列
戰於雞父而敗於吳者六國於越入吳春秋終焉

汪氏曰外傳記子服惠伯之言曰樂氏之亂齊人間
晉之禍伐取朝歌我先君襄公不敢寧處使叔孫豹
悉帥敝賦踦踦畢行無有處人以從軍吏次于雍榆
與邯鄲勝擊齊之左掎止晏萊焉齊師退而後敢還
則穆叔非無功於晉也然春秋不著其救患之功但
曰次于雍榆蓋穆叔與趙勝皆畏齊而不敢進待其
已去而躡其後耳

己卯仲孫速卒

杜氏曰孟莊子也 左傳季武子無適子公彌公鉏長

而愛悼子紇欲立之訪於申豐季氏屬大夫曰彌與紇吾

皆愛之欲擇才焉而立之申豐趨退歸盡室將行他

日又訪焉對曰其然猶必爾將具敝車而行乃止訪於

臧紇臧紇曰飲我酒吾為子立之季氏飲大夫酒臧

紇為客既獻臧紇命北面重席新樽絜之酒樽既新復絜滌之

召悼子降逆之大夫皆起及旅獻酬禮畢通行而召公鉏使

與之齒使從庶子之禮季孫失色恐公鉏不從季孫以公鉏為馬

正家司愠而不出閔子馬閔馬父見之曰子無然禍福

無門唯人所召為人子者患不孝不患無所位敬共

父命何常之有言廢置在父無常位也若能孝敬富倍季氏可

也父寵之則可富姦回不軌禍倍下民可也禍甚于貧賤公鉏然

之敬共朝夕恪居官次季孫喜使飲已酒而以具往

饗燕之具盡舍旃故公鉏氏富又出為公左宰出季氏家臣仕于公

孟孫惡臧孫季孫愛之孟氏之御駟豐點好羯也駟掌

馬之官兼掌御事謂之御駟羯孟莊子之庶子孺子秩之弟孝伯也曰從余言必為孟

孫再三云羯從之孟莊子疾豐點謂公鉏苟立羯請

讐臧氏公鉏謂季孫曰孺子秩固其所也固自當立若羯

立則季氏信有力於臧氏矣臧氏因季孫之欲而為定之今若專立孟氏之

少則季氏有弗應已邠孟孫卒公鉏奉羯立於戶側

戶側喪主季孫至入哭而出曰秩焉在公鉏曰羯在此矣

季孫曰孺子長公鉏曰何長之有唯其才也欲擇才焉而立

之季孫之言也還以答之且夫子之命也遂誣孟孫遂立羯秩奔邾

孫入哭甚哀多涕出其御曰孟孫之惡子也而哀如

是季孫若死其若之何臧孫曰季孫之愛我疾疢也
孟孫之惡我藥石也美疢不如惡石夫石猶生我疾
之美其毒滋多孟孫死吾亡無日矣 汪氏曰魯自
仲遂殺適立庶公室於是乎失政魯卿自季孫宿以
私意廢長立幼於是家臣效尤孟氏之豐點廢秩立
羯叔孫氏之豎牛殺孟丙而立舍皆託廢立以擅其
權而三桓微矣作俑之禍其流弊可勝言哉

冬十月乙亥臧孫紇出奔邾

左傳孟氏閉門告於季孫曰滅氏將為亂不使我葬

欲為公鉏
讐滅氏故

季孫不信滅孫聞之戒為冬十月孟氏將

辟穿滅也

藉除於滅氏

於滅氏藉人除葬道

滅孫使正夫助之

正夫

隧正隧正當屬司徒滅氏為司寇而借之滅氏者蓋兼掌之

除於東門甲從已而

視之

滅孫畏孟氏故以甲士自從而視作者

孟氏又告季孫季孫怒命

攻滅氏

見其有甲故

乙亥滅紇斬鹿門

魯南城東門

之闕以出

奔邾初滅宣叔娶於鑄

國也濟北蛇丘縣所治

生賈及為而死

繼室以其姪穆姜之姨子也

姪穆姜姨母之子與穆姜為姨昆弟

生紇

長於公宮姜氏愛之故立之減賈減為出在鑄減武

仲自邾使告減賈且致大蔡

大龜

馬曰紇不佞失守宗

祧敢告不弔紇之罪不及不祀子以大蔡納請其可

賈曰是家之禍也非子之過也賈聞命矣再拜受龜

使為

減為

以納請遂自為也

減為

自請

減孫如防

減氏

使

來告曰紇非能害也知不足也

言使甲從已但慮事淺耳

非敢私

請

為其先人請也

苟守先祀無廢二勲

文仲宣叔

敢不辟邑乃立

減為減紇致防而奔齊

孔子曰減武仲以防求為

後於魯雖曰不要君吾不信也 穀梁傳其曰正臧
孫統之出也 蘧伯玉曰不以道事其君者其出乎
杜氏曰阿附季氏為之廢長立少以取奔亡書奔罪
之

晉人殺欒盈

左傳晉人克欒盈于曲沃盡殺欒氏之族黨欒魴出
奔宋 公羊傳曷為不言殺其大夫非其大夫也
穀梁傳惡之弗有也 何氏曰稱人討賊辭

齊侯襲莒

左傳齊侯還自晉不入遂襲莒門于且于

莒邑

傷股而

退莒人行成齊侯將為滅紇田滅孫聞之見齊侯與之言伐晉對曰多則多矣抑君似鼠夫鼠晝伏夜動不穴於寢廟畏人故也今君聞晉之亂而後作焉寧將事之非鼠何如乃弗與田按滅紇之言其喻齊也中傳言武仲以智自免也杜氏曰因伐晉還襲莒不言遂者間有事滅孫知齊侯將敗不欲受其邑

故以此鼠欲使怒而止

二十有四年春叔孫豹如晉

左傳春穆叔如晉范宣子逆之問焉曰古人有言曰

死而不朽何謂也穆叔未對宣子曰昔句之祖自虞

以上為陶唐氏

陶唐堯所治地大原晉陽縣也終虞之世以為號故曰自虞以上

在

夏為御龍氏

謂劉累也事見

在商為豕韋氏

豕韋國名東郡

白馬縣東南有韋城

在周為唐杜氏

唐杜二國名殷末豕韋國于唐周成王滅唐遷之于

杜為杜伯杜伯之子隰叔奔晉四世及士會食邑于范復為范氏杜今京兆杜縣

晉主夏盟

為范氏其是之謂乎穆叔曰以豹所聞此之謂世祿

非不朽也魯有先大夫曰臧文仲既沒其言立

立謂垂世

其是之謂乎豹聞之太上有立德

黃帝堯舜

其次有立功

其次有立言

史佚周任

雖久不廢此之謂不朽若夫保

姓受氏以守宗祊

祊廟門

世不絕祀無國無之祿之大

者不可謂不朽于杜氏曰賀克藥氏也

仲孫羯帥師侵齊

左傳孟孝伯侵齊晉故也

豹如晉以雍榆之次為

功晉照其偽而有言焉故羯侵齊以悅之魯若移其侵齊之役於雍榆之次則豹不必往羯不必侵也

豹之如晉賀克欒氏羯之侵齊為晉報伐夫當事而救不能致力既退而侵何益於晉何名於齊事大睦鄰交失之矣

夏楚子伐吳

左傳夏楚子為舟師以伐吳不為軍政無功而還

秋七月甲子朔日有食之既

齊崔杼帥師伐莒

左傳齊侯既伐晉而懼將欲見楚子楚子使蘧啟疆

如齊聘且請期齊社蒐軍實使客觀之

祭社因閱數軍器以示蘧

啟疆陳文子曰齊將有寇吾聞之兵不戢必取其族還

害也秋齊侯聞將有晉師夷儀之師使陳無宇從蘧啟疆如

楚辭且乞師崔杼帥師送之遂伐莒侵介根莒邑

大水

八月癸巳朔日有食之

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

夷儀公作陳儀

左傳會于夷儀將以伐齊水不克 杜氏曰夷儀本

邢地衛滅邢而為衛邑

冬楚子蔡侯陳侯許男伐鄭

左傳冬楚子伐鄭以救齊門于東門次于棘澤諸侯

還救鄭

夷儀諸侯

汪氏曰晉陽處父伐楚以救江則書

伐書救此書伐鄭不書以救齊不予楚人之救也晉

合十二國之君不能伐齊楚乃能合四國之君以伐鄭此可以觀夷夏之得失矣師克在和不在衆豈不信然 又曰伐而不果救不及事晉霸之衰可知矣春秋所以不書諸侯之救鄭也 按夷儀之役不能正齊之罰而徒致棘澤之師以為鄭患其救不足錄矣

公至自會

高氏曰諸侯救鄭不書故以會致

陳鍼宜咎出奔楚

鍼其
廉反

卷九

左傳陳人復討慶氏之黨鍼宜咎出奔楚 宜咎陳
大夫鍼子八世孫在楚為箴尹宜咎

叔孫豹如京師

左傳齊人城邾穆叔如周聘且賀城王賜之大路

按邾王城也於是穀洛鬪毀王宮晉不能為王城之
而齊為義舉也

大饑

穀梁傳五穀不升為大饑一穀不升謂之饑二穀不

升謂之饑三穀不升謂之饑四穀不升謂之康

虛也

穀不升謂之大侵

傷也

大侵之禮君食不兼味臺榭不

塗弛侯

廢侯不燕射

廷道不除百官布而不制

布修列也不制不更

有造鬼神禱而不祀此大侵之禮也 薛氏曰民有

殍為大饑國無凶荒之備一大水而民有殍無政也

二十有五年春齊崔杼帥師伐我北鄙

左傳以報孝伯之師也公患之使告於晉孟公綽曰

崔子將有大志不在病我必速歸何患焉其來也不

寇

不為寇害

使民不嚴

欲得民心

異於他日齊師徒也歸

夏五月乙亥齊崔杼弑其君光

左傳齊棠公

棠邑大夫

之妻東郭偃之姊也東郭偃臣崔

武子棠公死偃御武子以弔焉見棠姜而美之使偃

取之

為已取也

偃曰男女辨姓今君出自丁

丁公

臣出自桓

桓公

不可武子筮之遇困之大過史皆曰吉

阿崔子

示陳

文子文子曰夫從風

坎下兌上困巽下兌上大過困六三變為大過坎為中男故曰

夫變而為異
故曰從風

風隕妻不可娶也

風能隕落物者變而隕落故曰妻不可娶

且其繇

直又反

曰困于石據于蒺藜入于其宮不見其

妻凶

困六三爻辭

困于石往不濟也據于蒺藜所恃傷也

入于其宮不見其妻凶無所歸也崔子曰廢也何害

先夫當之矣遂取之莊公通焉驟如崔氏以崔子之

冠賜人侍者曰不可公曰不為崔子其無冠乎

言冠易得

不足惜縱使餘人不為崔子者其無冠乎况崔子富貴自有冠也

崔子因是又以其

間伐晉也曰晉必將報欲弑公以說于晉而不獲間

公鞭侍人賈舉而又近之乃為崔子間公夏五月莒

為且于之役故莒子朝于齊甲戌饗諸北郭崔子稱

疾不視事

欲使公來

乙亥公問崔子

問疾

遂從姜氏姜入于

室與崔子自側戶出公拊楹而歌

歌以命姜

侍人賈舉止

衆從者而入閉門

為崔子閉公也重言侍人別下賈舉

甲與公登臺而

請弗許請盟弗許請自於廟弗許皆曰君之臣杼

疾病不能聽命

不能親聽公命

近於公宮

言崔子家近公宮或淫者詐稱公

陪臣干掇

行夜

有淫者不知二命

言行夜得淫人受崔子命討之不知他命

公踰墻又射之中股反隊遂弑之賈舉州綽邴師公

孫敖封具鐸父襄伊婁堙皆死

八子皆齊臣

祝佗父祭于

高唐

高唐有齊別廟也

至復命不說弁而死于崔氏申蒯侍

漁者

監取魚之官

退謂其宰曰爾以帑免我將死其宰曰

免是反子之義也與之皆死崔氏殺馮蔑

平陰大夫

于平

陰晏子立於崔氏之門外其人曰死乎曰獨吾君也

乎哉吾死也曰行乎曰吾罪也乎哉吾亡也曰歸乎

曰君死安歸君民者豈以陵民社稷是主臣君者豈

為其口實社稷是養故君為社稷死則死之為社稷
亡則亡之若為已死而為已亡非其私暱誰敢任之
且人有君而弑之吾焉得死之而焉得亡之將庸何
歸門啟而入枕尸股而哭興三踊而出人謂崔子必
殺之崔子曰民之望也舍之得民盧蒲癸奔晉王何
奔莒二子莊
公黨叔孫宣伯僞如之在齊也叔孫還齊羣
公子納
其女於靈公嬖生景公丁丑崔杼立而相之慶封為
左相盟國人於太宮太公
廟曰所不與崔慶者晏子仰

天嘆曰嬰所不唯忠於君利社稷者是與有如上帝

乃軟辛巳公與大夫及莒子盟

莒子朝齊遇亂未去

大史書曰

崔杼弑其君崔子殺之其弟嗣書而死者二人其弟

又書乃舍之南史氏聞大史盡死執簡以往聞既書

矣乃還崔氏側莊公于北郭

側瘞埋之不殯于廟

丁亥葬諸士

孫之里

士孫人姓因名里

四翼不蹕下車七乘不以兵甲

按齊莊勢陵大邦衆暴小國而又躬亂巨室淫肆不君故使崔杼因民不忍以與敵市此足以為世鑒矣

左氏所載晏子之言多非其實夫臣死君難無容議者間有不死而無害于義則以所居之時與位而權之耳若晏子者位非正卿既無當國之責又無討賊之權莊公雖殞宗社猶存以分實無可死之理然而聞難不辟入哭君尸其凜然之義猶足以寒亂賊之心故崔杼雖忌而不敢殺而時之鄙夫因晏子之不死遂從而附益其說人君遇篡弑者豈皆為社稷而為之臣者孰肯甘以私暱自處耶若是則弑君而

及其大夫者非一人矣宋之殤公閔公晉之奚齊卓
子非皆為社稷死而孔父仇牧荀息非三君之私暱
春秋何以大書而深予之耶且死必有私暱則肯死
君難者少矣君不為社稷死則曰誰敢任之則肯死
忘義者孰不藉口以求自免乎吾故曰此非晏子之
言鄙夫附益言之也

公會晉侯宋公衛侯鄭伯曹伯莒子邾子滕子薛伯杞
伯小邾子于夷儀

左傳晉侯濟自泮

泮關

會于夷儀伐齊以報朝歌之役

齊人以莊公說使隰鉏

隰朋之曾孫

請成慶封如師男女

以班賂晉侯以宗器樂器

宗器祭祀之器樂器鐘磬之屬

自六正

三軍

之六卿五吏

丈職

三十帥

武職

三軍之大夫

自五吏之下皆軍卿之屬官

百官之正長師旅及處守

守國

者皆有賂

皆有貨賂杜言皆以男女

為賂恐非

晉侯許之使叔向告於諸侯公使子服惠伯對

曰君舍有罪以靖小國君之惠也寡君聞命矣按

齊罪當討而莊公既弑則罪不在其民晉之所當問

者不在朝歌之役而在莊公不以其道終之故矣告
於諸侯而改治焉誅其賊立其君則大義明而天下
服矣苟大國見討臣子殺其君以說而可聽是滅天
理而獎亂賊也況其說者又非其實乎不知其欺而
受其說是許臣子可殺其君以與大國為市也知其
欺受其說而又納其賂是心乎成惡而與亂賊同情
也故上書崔杼弑君下書夷儀之會而不書伐以深
著晉與諸侯之罪也

附左傳晉侯使魏舒宛沒逆衛侯將使魏與之夷儀
崔子止其帑以求五鹿

六月壬子鄭公孫舍之帥師入陳

舍如字

左傳初陳侯會楚子伐鄭當陳隧

徑也

者井堙

塞也

木刊

除也鄭人怨之六月鄭子展子產帥車七百乘伐陳宵

突穿也陳城遂入之陳侯扶其大子偃師奔墓遇司馬

桓子曰載余

陳之司馬

曰將巡城

不欲載公以巡城辭

遇賈獲

陳大夫

載其母妻下之而授公車公曰舍而母辭曰不祥

雖急

猶不欲男
女無別

與其妻扶其母以奔墓亦免于展命師無

入公宮與子產親御諸門陳侯使司馬桓子賂以宗

器陳侯免

喪服

擁社

抱社主
示服

使其衆男女別而纍以待

於朝子展執紼而見再拜稽首承飲而進獻子美

子產

入數俘而出

計獲而已
不將以歸

祝祓社司徒致民司馬致節

兵符

司空致地乃還

陳亂故正其衆官修其
所職以安定之乃還

按陳以

神明之胄元女大姬之貴備為三恪未嘗有淫泆毀

常侵敗王略之罪特迫於強楚之令從於伐鄭而過

暴於疆隧者有司不戢武之罪也鄭欲修怨不請於

天王而興大師焉至于車七百乘

此晉文公城濮之賦也卻克伐齊至

以八百乘當時已謂為傾國恐鄭未合有此

既聲其罪豈不可待其服乃

宵突其城而入之是志於殘之使其君與太子匍匐
奔墓寄乘以免其民亦何罪而男女別而纍以待數
俘而出承飲進獻則曷如勿迫而辱之祝祓社司徒
致民司馬致節正其官而還則曷如毋亂焉甚矣鄭
之為欺也其不免乎王法之討而或者猶謂其入陳

有禮而春秋無貶辭失之遠矣

秋八月己巳諸侯同盟于重丘

重直龍反

左傳齊成故也 杜氏曰稱同盟齊亦與盟 書同

者見崔杼弑君之賊與焉春秋之微辭也 張氏曰

曹州乘氏縣有重丘故城

附左傳趙文子為政

代范甸

令薄諸侯之幣而重其禮

穆叔見之謂穆叔曰自今以往兵其少弭矣齊崔慶

新得政將求善於諸侯武也知楚令尹

屈建

若敬行其

禮道之以文辭以靖諸侯兵可以弭

公至自會

衛侯入于夷儀

杜氏曰晉愍衛衍失國使衛分之一邑說見桓十

五年鄭伯突入于櫟下

楚屈建帥師滅舒鳩

左傳楚蘧子馮卒屈建為令尹子木屈蕩為莫敖代屈建宣

十二年邲之役楚有屈蕩為左廣之右世本屈蕩屈建之祖父今此屈蕩與之同姓名舒鳩人

卒叛

前年辭不叛

楚令尹子木伐之及離城

舒鳩城

吳人救

之子木遽以右師先

先至舒鳩

子疆息桓子捷子駢子孟

帥左師以退

五人不與吳相遇而退

吳人居其間七日

居楚兩軍

之子疆曰久將墊隘隘乃禽也

慮水雨

不如速戰請以

其私卒誘之簡師

簡閱精兵陳為陳

以待我我克則進奔

則亦視之乃可以克不然必為吳禽從之五人以其

私卒先擊吳師吳師奔登山以望見楚師不繼復逐

之傳諸其軍簡師會之吳師大敗遂圍舒鳩舒鳩潰

八月楚滅舒鳩 按羣舒近楚為楚所蠶食至是盡
矣先本與楚俱張曰荆舒

冬鄭公孫夏帥師伐陳

夏公作囁

左傳鄭子產獻捷于晉戎服將事晉人問陳之罪對
曰昔虞閼父

舜之後

為周陶正以服事我先王我先王

賴其利器用也與其神明之後也庸以元女大姬

武王

之長女配胡公

關父之子滿

而封諸陳以備三恪

周得天下封夏殷二

王後得各自行其正朔用其禮樂既又封舜後謂之三恪則我周之自出

言陳周之甥

至于今是賴桓公之亂蔡人欲立其出

事在桓五年

我先

君莊公奉五父而立之蔡人殺之我又與蔡人奉戴

厲公至於莊宣皆我之自立

陳莊公宣公皆厲公子

夏氏之亂

成公播蕩

奔

又我之自入君所知也

蓋自晉因鄭而入

今陳

忘周之大德蔑我大惠棄我姻親介恃楚衆以憑陵

我敝邑不可億

度也逞也盡也

我是以有往年之告未獲成

命則有我東門之役當陳隧者并埋木刊敝邑大懼

不競而恥大姬天誘其衷啟敝邑心陳知其罪授手

於我用敢獻功晉人曰何故侵小對曰先王之命唯

罪所在各致其辟且昔天子之地一圻

方千里

列國一

同

方百里

自是以衰

初危反差降也

今大國多數圻矣若無侵

小何以至焉晉人曰何故我服對曰我先君武莊為

平桓卿士城濮之役文公布命曰各復舊職命我文

公戎服輔王以授楚捷不敢廢王命故也士莊伯

士弱

不能詰復于趙文子文子曰其辭順犯順不祥乃受

之冬十月子展相鄭伯如晉拜陳之功

謝晉受其功

子西

復伐陳陳及鄭平 杜氏曰前雖入陳服之而已故
更伐以結成 按晉為盟主得陳而不能保復棄之
於楚而使鄭修其私怨伯主之義安在乎子產對晉
之辭皆曲而強為文飾不類其平日之言恐傳者傳
會之過也陳侯鮑卒而陳亂公子佗殺太子免而伐
之乃篡賊也鄭莊公奉而立之乃可以為功乎征伐
之權出於天子敵國無相征之義而以唯罪所在各
致其辟為先王之命何其誣也大國之地多數圻信

非侵小不至然則皆欲效之可乎又以戎服受捷為
城濮之命然定王於鞏朔之獻齊捷也則曰蠻夷戎
狄不式王命淫泆毀常王命伐之則有獻捷王親受
而勞之所以懲不敬勸有功也兄弟甥舅侵敗王畧
王命伐之告事而已不獻其功所以敬親暱禁淫慝
也今鄭無王命擅興以侵小而以其捷私相獻其為
奸先王之禮尤大矣且鄭文公戎服輔王以授楚捷
而子產今以將事于晉是以王事晉也乃自謂不敢

廢王命不亦重誣乎左氏乃謂士莊伯不能詰非不能詰也是時晉政偷矣趙文子謂武也知楚令尹若敬行其禮道之以文辭兵可以少弭蓋志于合和南北以苟無事非復昔者同外楚禁暴討貳之心矣觀春秋一歲再書鄭伐陳而諸侯之散也見于此矣

十有二月吳子遏伐楚門于巢卒

遏於巢反
公作謁

左傳吳子諸樊伐楚以報舟師之役門于巢巢牛臣曰吳王勇而輕若啟之將親門我獲射之必殪是君

也死疆其少安從之吳子門焉牛臣隱于短墻以射之卒 公羊傳入巢之門而卒也 穀梁傳取卒之

名加之伐楚之上者見以伐楚卒也古者大國過小

邑小邑必飾城

修守備

而請罪

恐已有闕而致師

禮也吳子謂

伐楚至巢入其門門人射吳子有矢創反舍而卒古

者雖有文事必有武備非巢之不飾城而請罪非吳

子之自輕也 何氏曰吳子欲伐楚過巢不假塗卒

暴入巢門門者以為欲犯巢而射殺之 今按巢吳楚

間小國廬江六縣東有居巢城文十二年楚圍巢至是巢屬於楚矣吳伐楚至巢而攻之巢人誘之吳子果親門焉見射而卒左氏所載是也取卒之名加之伐楚之上正與七年鄭伯髡頑如會卒于鄆書法同皆以便文爾左氏凡云門焉皆謂攻其城門此經門于巢亦是而公穀乃謂入巢之門而謂之門于巢何氏又謂過巢不假塗皆無稽之妄說也穀梁謂大國過小邑小邑必飾城而請罪此自過國之禮今吳來

攻巢而巢以一矢相加當責吳子之自輕安得又非
巢也又謂雖有文事必有武備吳子之殪在於自輕
非無備也

附左傳衛獻公自夷儀使與甯喜言

求復國

甯喜許之

大叔文子

大叔儀

聞之曰君子之行思其終也

終可思成

其復也

可復行

書曰慎始而敬終終以不困詩曰夙夜匪

懈以事一人今甯子視君不如奕棋奕者舉棋不定
不勝其耦而况置君而弗定乎必不免矣

二十有六年春王二月辛卯衛甯喜弒其君剽

匹妙反

左傳衛獻公使子鮮為復

使為已求反國

辭

辭不敬似強命

之

敬似獻公及子鮮之母

對曰君無信臣懼不免敬似曰雖然

以吾故也許諾初獻公使與甯喜言甯喜曰必子鮮

在

使在其間

不然必敗

子鮮賢國

故公使子鮮子鮮不獲

命於敬似以公命與甯喜言曰苟反政由甯氏祭則

寡人甯喜告蘧伯玉伯玉曰瑗不得聞君之出敢聞

其入遂行從近闕出告右宰穀

鄭大夫

右宰穀曰不可

獲罪於兩君天下誰畜之悼子曰吾受命於先人不
可以貳穀曰我請使焉而觀之遂見公於夷儀反曰
君淹恤在外十二年矣而無憂色亦無寬言猶夫人
也若不已死無日矣悼子曰子鮮在右宰穀曰子鮮
在何益多而能亡於我何為

言子鮮為義
多不過出亡

悼子曰雖

然弗可以已孫文子在戚孫嘉聘于齊孫襄居守

二人

文子之子二月庚寅甯喜右宰穀伐孫氏不克伯國傷

伯國

孫襄也父兄皆不
在故棄弱攻之

甯子出舍於郊

殺奔

伯國死孫氏夜

哭國人召甯子甯子復攻孫氏克之辛卯殺子叔

也

及太子角書曰甯喜弑其君剽言罪之在甯氏也

按孫甯均之當國秉權使黜君果非殖意

二十七年傳曰黜君

非吾意孫氏為之

則當其時以死勿聽孫氏其敢哉既與之

同惡又與之同立剽而事以為君乃將死而屬其子以復舊君此不過以立剽之後政在孫氏夫逐君之惡則同受之立君之寵則孫氏專之此甯殖之所為不平也喜之納獻公豈真以欲免父逐君之惡哉觀

政由甯氏祭則寡人之約則喜父子之情可觀矣獻
公蓋知之而後與之言也剽雖非正而春秋正其弑
君之罪正為其意在已私故視置君曾奕者舉棋之
不若非但不思其終而已其為亂臣賊子之戒嚴矣
豈曰使天下後世知慎於廢立之際而不敢忽哉
胡氏語 此與晉里克弑其君卓事同殖也出之喜也納
之欲掩前人之惡也殖也立之喜也殺之乃再陷弑
君之大罪矣右宰穀曰獲罪於兩君天下誰畜之甯

喜曰吾受命於先人不可以貳喜不君其君而後敢動於惡以為由已家所立視如奕之置子春秋以義正其事而人心回亂臣賊子懼矣

衛孫林父入于戚以叛

書叛始此

左傳孫林父以戚如晉

以邑屬晉

書曰入于戚以叛罪孫

氏也臣之祿君實有之義則進否則奉身而退專祿以周旋戮也 按林父逐君立君本為惡首今也衍入已出又披君之邑以市於大國罪不在弑剽者之

下春秋書入于戚以叛以誅之也左氏乃止以其專
祿周旋為罪杜氏又謂林父事剽而行入義可以退
皆昧于大義之言使林父不專邑自隨則無罪乎

甲午衛侯衎復歸于衛

左傳甲午衛侯入書曰復歸國納之也

本晉納之夷儀今從夷儀

入國嫌若晉所納故發國納之例

大夫逆于竟者執其手而與之言

道逆者自車揖之逆于門者頷之而已公至使讓太
叔文子曰寡人淹恤在外二三子皆使寡人朝夕聞

衛國之言吾子獨不在寡人

在存問之公聞文子答甯喜之言故忿之

古

人有言曰非所怨勿怨寡人怨矣對曰臣知罪矣臣不佞不能負羈紲以從扞牧圉臣之罪一也有出者有居者臣不能貳通外內之言以事君臣之罪二也有二罪敢忘其死乃從近闕出公使止之按春秋

之義常以上下比事而見始也書衛侯行出奔齊繼書會于戚而衛孫林父在焉則知為強臣所逐矣終也書甯喜弑其君剽孫林父入于戚以叛繼書衛侯

衍復歸于衛則知復歸之故由甯喜矣夫君人者將
蓋之如天容之如地尊如神明愛如父母而逐于林
父歸以甯喜直書而義自見矣名與不名不必有義
復歸者復國之恒詞而美惡形乎其中

附左傳衛人侵戚東鄙孫氏愬于晉晉戍茅氏

茅氏戚東

鄙殖綽伐茅氏

齊人今來在衛

殺晉戍三百人孫蒯追之弗

敢擊文子曰厲

惡鬼

之不如遂從衛師敗之圍

衛邑

雍鉏

孫氏臣

獲殖綽復愬于晉

按言衛人侵戚則戚于衛

如二國矣言孫氏懇于晉則孫氏于衎如二君矣

夏晉侯使荀吳來聘

左傳晉人為孫氏故召諸侯將以討衛也夏中行穆子來聘召公也

公會晉人鄭良霄宋人曹人于澶淵

左傳六月公會晉趙武宋向戌鄭良霄曹人于澶淵

以討衛疆戚田取衛西鄙懿氏六十以與孫氏

戚城西北

五十里有懿城因姓以名城取田六十井也

趙武不書尊公也

罪武會公侯

向

戊不書後也

後會期

鄭先宋不失所也

如期至

於是衛侯

會之

晉將執之不得與會故不書

晉人執甯喜北宮遺使女齊以

先歸

討其弑君伐孫氏也遺北宮括之子女齊司馬侯歸晉而後告諸侯故經書在秋

衛侯

如晉晉人執而囚之於士弱民

士弱晉主獄大夫

秋七月齊

侯鄭伯為衛侯故如晉國景子

國弱

相齊侯子展相鄭

伯國子使晏平仲私於叔向曰晉君宣其明德於諸

侯恤其患而補其闕正其違而治其煩所以為盟主

也今為臣執君若之何叔向告趙文子文子以告晉

侯晉侯乃許歸衛侯 杜氏曰澶淵衛地近戚 胡氏曰春秋疑義先儒所傳誠有未盡趙武稱人為助孫氏貶也鄭良霄不貶者子產新得政而鄭伯為衛侯故如晉即知鄭獨不釋君而臣是助矣 家氏曰天子方伯者無他主張名分而已晉自悼公獎大夫以伉其君而下陵上替有自來矣今林父據邑叛君晉不能討而納其叛又披公邑以益賊臣謂之疆戚田使衛戚如二國然甚又為之執其君平固甚愚亦

何利而為此由晉之諸臣各為其私羽翼私門弱公室以為已地而其君不悟良可喟已

秋宋公殺其世子痤

才何反穀作座音同

左傳初宋芮司徒生女子赤而毛棄諸堤下共姬之

妾取以入

共姬宋伯姬也

名之曰棄長而美平公入夕

平公共姬

子共姬與之食公見棄也而視之尤

甚也姬納諸御嬖

生佐

元公

惡而婉大子痤美而狠合左師

向戌

畏而惡之

寺人惠牆

氏

伊戾名為太子內師而無寵秋楚客聘

于晉過宋太子知之請野享之公使往伊戾請從之

公曰夫不惡女乎

夫謂太子

對曰小人之事君子也惡之

不敢遠好之不敢近敬以待命敢有貳心乎縱有共

其外莫共其內臣請往也遣之至則欲用牲加書徵

之

詐作盟處為太子反

而騁告公曰太子將為亂既與楚客盟

矣公曰為我子又何求對曰欲速公使視之則信有

焉問諸夫人與左師

夫人佐母棄也

則皆曰固聞之公囚太

子太子曰唯佐也能免我召而使請曰日中不來吾

知死矣左師聞之聒

謹也

而與之語

欲使過期

乃縊而

死佐為太子公孫聞其無罪也乃烹伊戾左師見夫

人之步馬

習馬

者問之對曰君夫人氏也左師曰誰為

君夫人余胡弗知國人歸以告夫人夫人使饋之錦

與馬先之以玉曰君之妾棄使某獻左師改命曰君

夫人而後再拜稽首受之

傳言宋公閻左師諛太子所以無罪而死

胡

傳殺世子母弟直書君者甚之也讒世子痤而殺之

者寺人伊戾也然讒言之得行也必有嬖妾匹嫡之

惑其心又有大臣內結宮圍者以為之助然後愛惡
一移父子夫婦之間不能相保者衆矣晉獻之殺申
生宋公之殺痤春秋所以目君以著其惡也 家氏
曰傳言佐惡而婉痤美而狠婉者巧於自結狠者踈
於內交佐日以親痤日以踈以至於此也隋楊廣傾
勇之事似之勇則痤也楊素則左師也

晉人執衛甯喜

公羊傳此執有罪何以不得為伯討不以其罪執之

也 按晉非討其弒君也為伐孫氏殺晉戍之故爾
趙武為政叔向為謀臣晉無一事可稱二子者崇虛
譽而無其實也

附左傳初楚伍參與蔡太師子朝友其子伍舉與聲
子子朝之子相善也伍舉娶于王子牟王子牟為申公而

亡楚人曰伍舉實送之伍舉奔鄭將遂奔晉聲子將

如晉遇之於鄭郊班荆相與食

布荆坐地

而言復故

共議歸楚

事 聲子曰子行也吾必復子及宋向戌將平晉楚

在明

年聲子通使於晉還如楚令尹子木與之語問晉故
焉且曰晉大夫與楚孰賢對曰晉卿不如楚其大夫
則賢皆卿材也如杞梓皮革自楚往也雖楚有材晉
實用之

言楚亡臣多在晉

子木曰夫獨無族姻乎對曰雖有

而用楚材實多歸生聞之善為國者賞不僭而刑不
濫賞僭則懼及淫人刑濫則懼及善人若不幸而過
寧僭無濫與其失善寧其利淫無善人則國從之古
之治民者勸賞而畏刑恤民不倦賞以春夏刑以秋

冬是以將賞為之加膳加膳則飫賜此以知其勸賞也將刑為之不舉不舉則徹樂此以知其畏刑也夙興夜寐朝夕臨政此以知其恤民也三者禮之大節也有禮無敗今楚多淫刑其大夫逃死於四方而為之謀主以害楚國不可救療所謂不能也子儀之亂

析公奔晉

在文十四年

晉人置諸戎車之殿

後

以為謀主

繞角之役晉將遁矣析公曰楚師輕窳易震蕩也若多鼓鈞

同

聲以夜軍之楚師必遁晉人從之楚師宵

潰晉遂侵蔡襲沈獲其君敗申息之師於桑隧獲申
麗而還鄭於是不敢南面楚失華夏則析公之為也
雍子之父兄譖雍子君與夫人不善是也雍子奔晉
晉人與之鄙晉邑以為謀主彭城之役晉遇楚於靡角
之谷在成十八年晉將遁矣雍子發命於軍曰歸老幼反
孤疾二人役歸一人簡兵蒐乘秣馬蓐食師陳焚次
明日將戰行歸者而逸楚囚楚師宵潰晉降彭城而
歸諸宋以魚石歸楚失東夷子辛死之則雍子之為

也子反與子靈爭夏姬

子靈臣

而雍

上聲

害其事子靈奔

晉晉人與之邢

晉邑

以為謀主扞禦北狄通吳於晉教

吳叛楚教之乘車射御驅侵使其子孤庸為吳行人

馬吳於是伐巢取駕

皆楚邑

克棘

譙國鄆縣東北有棘亭

入州來

楚罷於奔命至今為患則子靈之為也若敖之亂

在宣

四年伯賁之子賁皇奔晉晉人與之苗

晉邑

以為謀主鄢

陵之役楚晨壓晉軍而陳晉將遁矣苗賁皇曰楚師

之良在其中軍王族而已若塞井夷竈成陳以當之

樂范易行

戶郎反易行或曰變易卒伍或曰簡易行陳少其兵備

以誘之中行

二卻必克二穆

子重子反皆出穆王

吾乃四萃於其王族必大

敗之晉人從之楚師大敗王夷

傷也

師燿

子潛反吳楚之間謂火滅

為燿

子反死之鄭叛吳興楚失諸侯則苗賁皇之為也

子木曰是皆然矣聲子曰今又有甚於此椒舉娶於

申公子牟子牟得戾而亡君大夫謂椒舉女實遣之

懼而奔鄭引領南望曰庶幾赦余亦弗圖也今在晉

矣晉人將與之縣以比叔向彼若謀害楚國豈不為

患子木懼言諸王益其祿爵而復之聲子使椒鳴

伍舉

子
逆之

八月壬午許男甯卒于楚

左傳許靈公如楚請伐鄭曰師不興孤不歸矣八月
卒于楚

冬楚子蔡侯陳侯伐鄭

左傳楚子曰不伐鄭何以求諸侯冬十月楚子伐鄭
鄭人將禦之子產曰晉產將平諸侯將和楚王是故

昧於一來不如使逞也快而歸乃易成也夫小人之性

釁動也於勇貪也於禍以足其性乃求名焉者指彼與楚戰者

非國家之利也若何從之子展說不禦寇十二月乙

酉入南里鄭邑墮其城涉于樂氏津門門于師之梁鄭城

縣門發獲九人馬涉于汜而歸而後葬許靈公

葬許靈公

附左傳衛人歸衛姬于晉乃釋衛侯君子是以知平

公之失政也 晉韓宣子聘于周王使請事時諸侯不能修

朝聘之常禮有事多托聘以行故王使請事

對曰晉士起

起宣子名禮諸侯大夫入天子

國稱

將歸時事於宰旅無他事矣

齊人城郊之歲

在二十四年

其夏齊烏餘

齊大夫

以廩丘

今東郡廩丘故城是

奔晉襲

衛羊角

今廩丘所治羊角城是

取之遂襲我高魚

在廩丘東

取之

又取邑於宋於是范宣子卒諸侯弗能治也及趙文

子為政乃卒治之文子言於晉侯曰晉為盟主諸侯

或相侵也則討而使歸其地今烏餘之邑皆討類也

而貪之是無以為盟主也請歸之公曰諾孰可使也

對曰胥梁帶能無用師晉侯使往

二十有七年春

附左傳春胥梁帶使諸喪邑者具車徒以受地必周

周密也必密來勿以受地為名使烏餘具車徒以受封烏餘以衆出

出受封也使諸侯偽效致也烏餘之封者而遂執之盡獲之

皆獲其徒衆皆取其邑而歸諸侯諸侯是以睦於晉

齊侯使慶封來聘

左傳齊慶封來聘其車美孟孫謂叔孫曰慶季之車

不亦美乎叔孫曰豹聞之服美不稱必以惡終美車
何為叔孫與慶封食不敬為賦相鼠亦不知也杜
氏曰景公即位通嗣君也

夏叔孫豹會晉趙武楚屈建蔡公孫歸生衛石惡陳孔

奭鄭良霄許人曹人于宋

屈居勿反奭呼亂反公作
璦後同晉楚使同主盟

左傳宋向戌善於趙文子又善於令尹子木欲弭諸
侯之兵以為名如晉告趙孟趙孟謀於諸大夫韓宣
子曰兵民之殘也財用之蠹小國之大菑也將或弭

之雖曰不可必將許之弗許楚將許之以召諸侯則
我失為盟主矣晉人許之如楚楚亦許之如齊齊人
難之陳文子曰晉楚許之我焉得已且人曰弭兵而
我弗許則固攜吾民矣將焉用之齊人許之告于秦
秦亦許之皆告於小國為會於宋五月甲辰晉趙武
至於宋丙午鄭良霄至六月戊申叔孫豹齊慶封陳
須無衛石惡至甲寅晉荀盈從趙武至趙武命盈追
已故言從趙
武丙辰邾悼公至小國故
君自來壬戌楚公子黑肱先至成

言於晉

時令尹子木止陳遣黑肱就晉大夫成盟載之言

丁卯宋向戌如陳

從子木成言於楚

就於陳成楚之要言

戊辰滕成公至子木謂

向戌請晉楚之從

諸侯從晉楚者

交相見也

更相朝

庚午向戌

復于趙孟趙孟曰晉楚齊秦匹也晉之不能於齊猶

楚之不能於秦也楚君若能使秦君辱於敝邑寡君

敢不固請於齊士申左師復言於子木子木使驛謁

諸王王曰釋齊秦他國請相見也秋七月戊寅左師

至

從陳還

是夜也趙孟及子皙盟以齊言

子皙公子黑肱素要齊其

辭至盟時不
得復訟爭

庚辰子木至自陳陳孔奭蔡公孫歸生

至

二國大夫與
子木俱至

曹許之大夫皆至以藩為軍

不築壘
塹示不

相忌

晉楚各處其偏

晉處北
楚處南

伯夙

荀盈

曰楚氛甚惡懼難

趙孟曰吾左還入於宋若我何

營在宋北東頭為上
故晉營在東有急可

左迴入
宋東門

杜氏曰會者十四國齊秦不交相見邾滕

為私屬皆不與盟宋為主人地於宋則與盟可知故

經唯序九國大夫楚先晉軟而書先晉貴信也陳于

晉會常在衛上孔奭非上卿故在石惡下 按是時

晉楚皆厭兵故向戌得迎兩國之意旨而和合為此
舉也告於小國而喜躍勇赴告於齊秦而齊秦許之
曰人曰弭兵而我弗許則固攜吾民矣將焉用之是
可以見人情之所在矣戰國之世衡人專構諸侯使
相攻伐而從人則合東方六國為從以擯秦從人之
意向戌之意也然而勢如連雞不能俱棲從之不可
久也策士知之矣視此則向戌之說差愈而易成是
以有因其罷兵息民之意而取之者則曰宋之盟中

國不出外裔不入玉帛之使交乎天下百姓免兵革
之患者十餘年趙武屈建之力可以當齊桓也其執
乎內夏外夷之常而議之者則曰於溴梁而無君臣
之分於宋而無夷夏之防南北二伯諸侯兩事贊玉
帛死生于蠻夷之庭以至于申之會蠻夷之君篡弑
之賊大合十有一國之衆而用齊桓召陵之禮是舉
啟之也盟鹿上楚始進也孟之會楚子與宋公並序
于諸侯之上而二伯北宋之會使晉楚之從交相見

而二伯成皆宋為之也是二說者固皆一道而未可
膠也楚誠南蠻然有弭兵之心則固善心矣聖人於
此豈無用夏變夷之道而必絕之乎變之之道則孟
子所謂仁義而已矣昔秦楚構兵宋脛將言其不利
而孟子以為不可及孟子自言則曰殺一無罪非仁
也非其有而取之非義也人皆有所不忍達之于其
所忍仁也人皆有所不為達之于其所為義也齊王
不忍殺穀觿之牛則曰是心足以王矣王之不王不

為也非不能也今恩足以及禽獸而功不至於百姓者獨何與宋慳欲救世之戰反以口舌為事利害為說強聒不舍而不知非本諸不忍不為之萌動以轉其機則無益也向戌弭兵何異于宋慳使中國諸侯君臣父子兄弟懷仁義以相接則外裔自服兵革自息不知其本而弭兵何異于伏燼宿火幸其燄燄之暫息而以為安乎此既失之抑為會以弭兵而晉楚之從不交相見則中國之大勢猶未盡失也故楚人

此請其闕係甚大而趙武泛然應之無以拒之則以
晉楚齊秦為說曰四國匹也晉之不能于齊猶楚之
不能于秦也趙武之答常不合機而楚人之應常得
機于是楚王曰釋齊秦他國請相見也吁斯言一墮
而中國事去矣甚矣趙武之愚也齊桓晉文數十年
攘夷匡夏之業壞之者此役也而方且侈然自以為
功向戌至于請免死之邑推趙武之心亦未必不以
為從容于衣裳告命之間而偃兵息民為過于前人

之用兵也然則武欲塞子木交相見之請則何辭而
可亦告之曰諸侯間于王事則相朝也謂同方岳之
邦也越千里而相朝非天子誰敢當之雖先君文公
及齊桓公皆未有也二三友邦咸有封疆之守社稷
之事使廢其常守闕其時事敝于道路或啓他虞以
為君憂亦君之所恤也君憫諸侯之道敝而苦于兵
也欲安靖之甚大惠也終君之惠則莫如使晉楚之
從各即其守敝邑獲繼先君之好以事君二三大夫

固將朝夕于君者也其又奚必于諸侯以是應之楚必無辭而退矣

衛殺其大夫甯喜

左傳衛甯喜專公患之公孫免餘

衛大

請殺之公曰

微甯子不及此吾與之言矣

言政由甯氏

事未可知祇成

惡名止也對曰臣殺之君勿與知乃與公孫無地公

孫臣謀

二公孫衛大夫

使攻甯氏弗克皆死公曰臣也無罪

父子死余矣

獻公出時公孫臣之父為孫氏所殺

夏免餘復攻甯氏殺

甯喜及右宰穀尸諸朝

穀不書非卿也

石惡將會宋之盟受

命而出衣其尸枕之股而哭之欲斂以亡懼不免且

曰受命矣乃行杜氏曰書在宋會下從赴穀梁

傳稱國以殺罪累上也甯喜弑君其以累上之辭言

之何也嘗為大夫與之涉公事矣甯喜由君謂弑君

謂而不以弑君之罪罪之者惡獻公也鄭嗣曰若

獻公以喜有弑君之罪而殺之則不宜既入以為大

夫書甯喜弑其君則喜之罪不嫌不明今若不言喜

之無罪而死則獻公之惡不彰

今按無罪當作不以其罪

高郵

孫氏曰喜弑剽而納衍衍反國而復用之既而以其私殺之喜雖有罪而衛侯殺之不以其罪矣昔里克殺奚齊而立夷吾夷吾殺之二君之殺其大夫皆以其私里克甯喜之見殺皆不以其罪故春秋皆曰殺其大夫按使衍出非得罪於民歸為國人所納則正大光明舉無不順首誅孫氏次問甯喜可也今乃舍孫氏之在戚而患喜之專昧輕重之所在矣畔政

由之信棄納我之惠其所不足道也或曰孫氏挾晉以抗君獻公固無如之何非不欲討也曰使行出非得罪于民國人思之國人納之出入不制于強臣則命討亦不制于大國矣私惠不歸德君子不自留焉使甯喜因國人之欲納公也為公弑剽公討之可也今也政由甯氏祭則寡人由是以得歸也甯喜專公患之由是以行殺也微甯子不及此吾與之言矣公亦自知其不直也故春秋之書法如此

衛侯之弟鱣出奔晉

鱣市轉反又音專穀作專

左傳子鮮曰逐我者出納我者死賞罰無章何以沮

勸君失其信而國無刑不亦難乎且鱣實使之遂出

奔晉公使止之不可及河又使止之止使者而盟于

河

誓不還

託于木門

晉邑

不鄉衛國而坐木門大夫勸之

仕不可曰仕而廢其事罪也從之

謂治其事

昭吾所以出

也

事治則明已出欲仕

吾不可以立于人之朝矣終身不仕公

喪之如稅服終身

稅即總也音歲喪服總衰裳縷細而希非五服之常本無月數痛慙

子鮮故特為此服此服無月
數而獻公尋薨故言終身
公與免餘邑六十辭曰

唯卿備百邑臣六十矣下有上祿亂也

司馬法成方十里出草車

一乘此一乘之邑每邑方十里也傳曰百乘之家大夫之家邑有百乘是百乘為采邑之極此云唯卿備百邑知所言邑者一乘之邑非四井之邑也
論語稱千室又云十室明大小通稱邑也
臣弗敢

聞且甯子唯多邑故死臣懼死之速及也公固與之

受其半以為少師公使為卿辭曰大叔儀不貳能贊

大事君其命之乃使文子為卿

按免餘辭邑辭卿亦何足錄傳見公之賞

刑不知大計耳

公羊傳衛殺其大夫甯喜則衛侯之弟鱣

曷為出奔晉為殺甯喜出奔也曷為為殺甯喜出奔
衛甯殖與孫林父逐衛侯而立公孫剽甯殖病將死
謂喜曰黜公者非吾意也孫氏為之我即死女能固
納公乎喜曰諾甯殖死喜立為大夫使人謂獻公曰
黜公者非甯氏也孫氏為之吾欲納公何如獻公曰
子苟納我吾請與子盟喜曰無所用盟請使公子鱄
約之獻公謂公子鱄曰甯氏將納我吾欲與之盟其
言曰無所用盟請使公子鱄約之子固為我與之約

矣公子鱣辭曰夫負羈縻

馬絆

執鈇鎖從君東西南北

則是臣僕庶孽之事也若夫約言為信則非臣僕庶孽之所敢與也獻公怒曰黜我者非甯氏與孫氏凡在爾公子鱣不得已而與之約已約歸至殺甯喜公子鱣挈其妻子而去之穀梁傳專喜之徒也專之

為喜之徒何也已雖急納其兄與人之臣謀弒其君

是亦弒君者也專其曰弟何也

據稱弟則無罪

專有是信者

獻公無信而專不肯失信

君賂不入乎喜而殺喜是君不直乎喜

也故出奔晉織紉邯鄲終身不言衛專之去合乎春秋
今按書弟罪衛侯也書鱣出奔于殺大夫甯喜
之後見鱣為甯喜出奔亦以罪鱣也衛侯無君兄之
道殺喜不以其罪使鱣至于出奔其罪昭矣其罪鱣
奈何曰信近於義言可復也已雖急納其兄不思剽
既立矣為復之道欲兩得而無害則何地以置剽甯
喜不願盟而願得子鮮之一言重其義也欲堅其意
豈無君臣之大義可指陳以感動而乃從獻公政由

甯氏祭則寡人之云乎此信之不義言之必不可復者也而子鮮為之殺甯喜者固政由甯氏之一言也夫言必信行必果而不唯義之所在未有不至于賊者也重于失信而不知兄弟之恩之尤重也不忍負甯氏而不知君之尤不忍離也為子鮮者初決于出以感悟獻公可也公再三止之則可止矣夫亦念國之無人公之無恒也而與大叔儀竭力以輔之勸公以立甯氏之後則亦無負於喜矣乃決于自絕止使

者而盟于河終身不向衛國而坐不已甚乎魯宣公
弑立公弟叔肝非之而不忍去也曰兄弟也何去而
之與之財則曰我足矣織屨而食終身不食宣公之
食君子以是為通恩也以取貴于春秋知肝之所以
取貴于春秋則知鱄之去未合于春秋矣然穀梁以
為與人之臣謀弑其君是亦弑君者則亦過矣

秋七月辛卯豹及諸侯之大夫盟于宋

左傳辛巳將盟于宋西門之外楚人衷甲

甲在衣中
故因會擊

晉伯州犂曰合諸侯之師以為不信無乃不可乎夫諸侯望信于楚是以來服若不信是棄其所以服諸侯也固請釋甲子木曰晉楚無信久矣事利而已苟得志焉焉用有信趙孟患衷甲以告叔向叔向曰何害也匹夫一為不信單盡斃也其死若合諸侯之鄉以為不信必不捷食言者不病言必死非子之患也夫以信召人而以僭濟之必莫之與也安能害我且吾因宋以守病則夫能致死與宋致死雖倍楚可也子

何懼焉又不及是曰弭兵以召諸侯而稱兵以害我

吾庸多矣非所患也季武子使謂叔孫以公命曰視

邾滕

兩事晉楚則貢賦重故欲此小國云以公命者季氏託之

既而齊人請邾宋

人請滕皆不與盟叔孫曰邾滕人之私也我列國也

何故視之宋衛吾匹也乃盟晉楚爭先

爭先歟血

晉人曰

晉固為諸侯盟主未有先晉者也楚人曰子言晉楚

匹也若晉常先是楚弱也且晉楚狎

更也

主諸侯之盟

也久矣豈專在晉叔向謂趙孟曰諸侯歸晉之德只

非歸其尸盟也子務德無爭先且諸侯盟小國固必

有尸盟者

小國主辨具

楚為晉細不亦可乎乃先楚人書

先晉晉有信也宋左師請免死之邑

若使計謀不當則罪合死向戌

自以為已謀可免死也請賞而曰免死讎言耳

公與之邑六十以示子罕子

罕曰凡諸侯小國晉楚所以兵威之畏而後上下慈

和慈和而後能安靖其國家以事大國所以存也無

威則驕驕則亂生亂生必滅所以亡也天生五材

金木

水火土

民並用之廢一不可誰能去兵兵之設久矣所

以威不軌而昭文德也聖人以興

謂湯武

亂人以廢

謂桀

紂廢興存亡昏明之術皆兵之由也而子求去之不亦誣乎以誣道蔽諸侯罪莫大焉縱無大討而又求

賞無厭之甚也削而投之

削賞左師之書

左師辭邑

書先

晉杜氏曰蓋孔子追正之陳氏曰不以荆蠻先中國也孫氏曰溴梁之會諸侯會而曰大夫盟者大夫無諸侯也此盟諸侯不在而曰豹及諸侯之大夫盟于宋者不與大夫無諸侯也豹不氏前見也胡傳

會盟同地而再言宋者貶之也 汪氏曰是時晉楚

皆怠于出師是以偶有六七年之安靖然楚人衷甲

苟非伯州犂之言則趙孟為所執矣况魯帥師取鄆

晉帥師敗狄兵亦未嘗戢也楚圍既讀舊書未幾篡

國大合諸侯伐吳滅賴安在其能弭兵也哉 按趙

武知楚屈建二子各執其國政鄢陵之敗鄭叛吳興

楚少懦矣而悼公之亡晉亦不在諸侯故二十五年

趙武告穆叔有自今以往兵其少弭之語然則合和

南北以苟數年之無事晉楚之同心也吳乘其後奔命不暇楚非昔日之楚矣使誠欲却盟豈先使晉知之蓋形我而使我不懼則可以獲所求耳是以欲晉楚之從交相見則許之爭長則讓之一一不較趙武叔向如嬰兒寄玩于人之股掌乃曰弭兵以召諸侯而稱兵以害我吾庸多矣非所患也諸侯歸晉之德只非歸其尸盟也虛為大語耳孔子相夾谷之會以為有文事必有武備具左右司馬而行及會犂彌言于

齊侯曰孔丘知禮而無勇若使萊人以兵劫魯侯必
得志焉齊侯從之孔子以公退曰士兵之兩君合好
而裔夷之俘以兵亂之非齊君所以命諸侯也齊侯
遽辟之聖人之制事待人蓋如此趙武信楚而以藩
為軍使楚乘其無備雖左還入于宋不亦晚乎唐渾
瑊與吐番盟于平涼吐番劫盟即其事也彼不在堅
城之下乎李晟深戒以盟所為備不可不嚴柳渾則
謂戎狄豺狼非盟誓可結斯亦可以喻趙武矣公羊

殆諸侯之說似有所受而上下語為講師所亂曰曷
為再言豹殆諸侯也曷為殆諸侯為衛石惡在是也
此殆似人夢寐中讖語雖兒童笑之矣豹及諸侯之
大夫盟此乃一事再見前目而後凡耳何多說也穀梁
大夫不臣也大夫臣也其臣恭也皆謬說也大夫盟文略爾亦非有意如
此書之 豹不氏前見也左氏乃曰不書其族言違
命也大可笑也視邾滕季氏之令也而豹以違命去
族是春秋成季氏之君魯矣

附左傳齊崔杼生成及彊而寡

偏喪曰寡寡特也

娶東郭姜

生明東郭姜以孤入曰棠無咎與東郭偃相崔氏崔

成有疾而廢之

有惡疾

而立明成請老于崔

濟南東朝陽縣西北

有崔氏城戌欲居崔邑以終老

崔子許之偃與無咎弗予曰崔宗邑

也

宗廟所在

必在宗主

謂崔明

成與彊怒將殺之告慶封曰

夫子之身亦子所知也唯無咎與偃是從父兄莫得

進矣大恐害夫子

謂崔杼

敢以告慶封曰子姑退吾圖

之告盧蒲癸

普結反慶封屬大夫

盧蒲癸曰彼君

謂莊公

之讐言也

天或者將棄彼矣彼實家亂子何病焉

按賊杼以棠姜之故必其

君尋以崔明滅家誠天道也

崔之薄慶之厚也他日又告

成彊又告慶

封曰苟利夫子必去之難吾助女九月庚辰崔成崔

彊殺東郭偃棠無咎於崔氏之朝崔子怒而出其衆

皆逃求人使駕不得使圉人駕寺人御而出且曰崔

氏有福止余猶可

恐滅家禍不止其身

遂見慶封慶封曰崔慶

一也

言如一家

是何敢然請為子討之使盧蒲癸帥甲以

攻崔氏崔氏堞其宮而守之

謂新築女牆而守之

弗克使國人

助之遂滅崔氏殺成與彊而盡俘其家其妻縊

東郭姜

嬖復命于崔子且御

為崔子御

而歸之至則無歸矣乃縊

殺君之賊得禍未有如此之快人者也卜筮之言驗未有如此之明君也吉凶豈外求哉兆于此心之動

而已

崔明夜辟諸大墓

開先人之冢以藏之

辛巳崔明來奔慶

封當國

崔氏之亂

君弑

申鮮虞來奔僕賃于野以

喪莊公

為君服喪

令楚人召之遂如楚為右尹

冬十有二月乙亥朔日有食之

左傳十一月乙亥朔日有食之辰在申司歷過也

杜氏曰謂斗建指申周十一月今之九月斗當建戌而在申故知再失閏也文十一年三月甲子至今年七十一歲應有二十六閏今長厯推得二十四閏通計少再閏 啖氏曰按經言十二月傳言十一月又言再失閏依經當為三失閏進退不同不可得而考 劉氏曰厯家之術求閏進餘易求交朔難今司厯能正交朔反不能正閏乎

二十有八年春無冰

左傳春無冰梓慎曰

魯大夫

今茲宋鄭其饑乎歲在星

紀而淫於立枵

歲星也星紀在丑斗牛之次立枵在子虛危之次十八年晉董叔曰天

道多在西北是歲歲星在亥至此年十一歲故在星紀明年乃當在立枵今已在立枵淫行失次以

有時菑

無冰

陰不堪陽

盛陰用事而溫無冰是陰不勝陽地氣發洩

蛇乘龍

蛇立武之宿虛危之星龍歲星歲星木也木為青龍失次出虛危下為蛇所乘龍宋鄭之星

也歲星本位在東方東方房心為宋角亢為鄭

宋鄭必饑立枵虛中也

三宿虛

枵耗名也土虛而民耗不饑何為

歲為宋鄭之星今失

在其中常淫入虛耗之次時復無冰地氣發洩故云

夏衛石惡出奔晉

左傳衛人討甯氏之黨故石惡出奔晉衛人立其從

子圉以守石氏之祀

石蜡有大功于衛

邾子來朝

左傳時事也

言非宋盟宋盟唯施于朝晉楚

附左傳夏齊侯陳侯蔡侯北燕伯杞伯胡子沈子白

狄朝于晉宋之盟故也

秋八月大雩

左傳旱也

仲孫羯如晉

左傳孟孝伯如晉告將為宋之盟故如楚也

附左傳鄭伯使游吉如楚及漢楚人還之曰宋之盟
君實親辱今吾子來寡君謂吾子姑還吾將使驛奔
問諸晉而以告子大叔曰宋之盟君命將利小國而
亦使安定其社稷鎮撫其民人以禮承天之休此君
之憲令而小國之望也寡君是故使吉奉其皮幣以

歲之不易

言有饑饉

聘于下執事

言鄭伯所以不得自朝楚

今執事有

命曰女何與政令之有必使而君棄而封守跋涉山

川蒙犯霜露以逞君心小國將君是望敢不唯命是

聽無乃非盟載之言以闕君德而執事有不利焉小

國是懼不然其何勞之敢憚

按使趙武能止之于初則無是矣

九月

鄭游吉如晉告將朝于楚以從宋之盟子產相鄭伯

以如楚

冬齊慶封來奔

左傳齊慶封好田而嗜酒與慶舍

封之子

政則以其內

實遷于

寶物妻妾

盧蒲嫫氏易內而飲酒數日國遷朝焉

卿大夫皆就嬖家見封

使諸亡人得賊者

諸以崔氏之難出奔崔氏名之為賊者

以告

以情告

而反之故反盧蒲癸癸臣子之

慶舍

有寵妻

之

子之以其女妻癸

慶舍之士謂盧蒲癸曰男女辨姓子不

辟宗何也

慶氏盧蒲氏皆姜姓

曰宗不余辟

言舍欲妻已

余獨焉辟

之賦詩斷章余取所求焉惡識宗癸言王何而反之

二人皆嬖使執寢戈

親近兵伏

而先後之公膳日雙雞

卿大夫

夫膳食膳食饗人竊更之以驚音木御者進食者知之則去其

肉而以其洎其器反肉汁也饋饗人御者欲使諸大夫怨慶氏滅其膳蓋

盧蒲癸王何之謀子雅子尾皆惠公孫怒慶封告盧蒲癸盧蒲癸

曰譬之如禽獸吾寢處之矣言能殺而使析歸父告

晏平仲欲與共謀平仲曰嬰之衆不足用也知無能

謀也言弗敢出出謂泄之有盟可也子家曰子之言云子家

析歸父父又焉用盟告齊大郭子車子車曰人各有以

事君非佐子車名之所能也盧蒲癸王何卜攻慶氏示

子之兆曰或卜攻讐敢獻其兆子之曰克見血冬十

月慶封田于萊陳無宇從丙辰文子使召之請曰無

宇之母疾病請歸慶季封卜之示之兆曰死奉歸而

泣無宇乃使歸慶嗣封之聞之曰禍將作矣謂子家

慶封速歸禍作必于嘗秋歸猶可及也子家弗聽亦

無悛志子息慶嗣曰亡矣言慶氏必出幸而獲在吳越吳越納齊

之亡人齊陳無宇濟水而戕舟發梁不欲慶封盧蒲

姜癸妻慶謂癸曰有事而不告我必不捷矣癸告之

姜曰夫子愼莫之止將不出我請止之癸曰諾十一

月乙亥嘗于太公之廟慶舍泣事盧蒲姜告之且止

之弗聽曰誰敢者遂如公麻嬰為尸祭慶集尸結

為上獻先獻盧蒲癸王何執寢戈慶氏以其甲環公宮

廟在宮內陳氏鮑氏之圉人為優慶氏之馬善驚士皆釋

甲束馬而飲酒且觀優至于魚里里名引行樂高陳

鮑之徒介慶氏之甲樂子雅高子尾陳須無鮑鮑國

之士釋甲觀子尾抽桶也擊扉三以此盧蒲癸自後

優不在也

也

為期

刺之王何以戈擊之解其左肩猶援廟桷動于薨

屋棟

以俎壺投殺人而後死

言其多力

遂殺慶繩

即慶集

麻嬰公

懼鮑國曰羣臣為君故也陳須無以公歸稅

吐活反

服

而如內宮慶封歸遇告亂者丁亥伐西門弗克還伐

北門克之入伐內宮

陳鮑在公所故

弗克反陳

去聲

于嶽

里名請

戰弗許遂來奔齊人來讓奔吳吳句餘

吳子夷昧也

予之

朱方

吳也

聚其族焉而居之富于其舊子服惠伯謂叔

孫曰天殆富淫人慶封又富矣穆子曰善人富謂之

賞淫人富謂之殃天其殃之也其將聚而殲旃崔氏

之亂喪羣公子故鉏在魯叔孫還在燕賈在句瀆之

丘

在襄二
十一年

及慶氏亡皆召之具其器用而反其邑焉

與晏子邶殿

齊別
都

其鄙六十弗受子尾曰富人之所

欲也何獨弗欲對曰慶氏之邑足欲故亡吾邑不足

欲也益之以邶殿乃足欲足欲亡無日矣在外

謂亡
而在

外不得宰吾一邑不受邶殿非惡富也惡失富也且

夫富如布帛之有幅焉

幅邊
幅

為之制度使無遽也夫

民生厚而用利于是乎正德以幅之

書禹謨正德利
用厚生謂之三

事井田以厚其生工商以利其用五教以正其德夫
民生厚而利用而德不正猶布帛之無幅故教以幅

之使無黜嫚謂之幅利

利不可過
幅使有度

利過則為敗吾不

敢貪多所謂幅也與北郭佐邑六十受之與子雅邑

辭多受少與子尾邑受而稍致

還公

之公以為忠故有

寵釋盧蒲螫于北竟

釋放也

求崔杼之尸將戮之不得

崔氏之臣曰與我其拱壁吾獻其柩

拱合兩手大壁也崔明夜辟諸

大墓故不知其處

於是得之十二月乙亥朔

十二月戊戌朔乙亥誤

齊

人還莊公殯于大寢

路寢

以其棺尸崔杼於市國人猶

知之皆曰崔子也

始求崔杼尸不得嫌以他尸代之故言國人猶識其狀見是真杼也

此亦殆天顯其戮也

按盟于宋以弭兵為辭兵之弭必各守

其度無為不順則爭端絕矣魯為望國首納齊之亡

人何以示諸侯乎崔杼弑君慶封黨之盟于國曰所

不與崔慶者有如上帝既而崔氏家亂慶封乘之以

為利慶封當國嗜酒好田以政與子盧蒲癸王何者

莊公之嬖人也殺慶舍逐慶封戮崔杼之尸于是莊

公之賊亦少申其討矣莊之弑也幸臣與之俱死者
十人今為之討賊者亦幸臣也身為國君所親禮而
為之效死者非國士而在私暱莊公固可羞矣而卿
大夫不討使枕戈伺讐出于君之私人亦卿大夫之
恥也其後楚執慶封徇于諸侯使言曰無使如齊慶
封弑其君中國弑君之賊得戴其首領淹歷諸侯入
于蠻夷而蠻夷討之又中國之恥也春秋書齊崔杼
弑其君光諸侯同盟于重丘齊慶封來奔楚子伐吳

執齊慶封殺之所謂其義昭如日星者乎

十有一月公如楚

諸侯始旅見于楚

左傳為宋之盟故公及宋公陳侯鄭伯許男如楚

十有二月甲寅天王崩

乙未楚子昭卒

左傳及漢楚康王卒公欲反叔仲昭伯

叔仲帶

曰我楚

國之為豈為一人行也公遂行宋公反 胡傳甲寅

天王崩乙未楚子昭卒相距四十二日則閏月之驗

也然不以閏書見喪服之不數閏也齊景公葬書閏

月明殺恩之非禮也

閏月不書閏承前月而受其餘日書其日繫前月之下史策常

體此范甯之說也杜預以十二月無乙未日誤孔穎達以為甲寅乙未不得同月是皆不知閏之日繫前月之下耳

二十有九年春王正月公在楚

左傳釋不朝正于廟也

孔氏曰公在本國每月之朔常以朝享之禮親自祭廟今

以在外之故闕于此禮國之守臣于此朔日告廟云公在楚史官因書于策

公羊傳何

言乎公在楚

據成十一年公在晉不書

正月以存君也

何氏曰正月歲終而

復始臣子喜其君父與歲終而復始
執贄存之襄公久在夷狄危而錄之

穀梁傳閔公

也

范氏曰閔公為
楚所制故存錄

孔氏曰成十年秋如晉襄十二

年冬如晉皆以次年至此等正月公皆不在其類多
矣唯此一年書者釋例曰凡公之行國之守臣每月
亦以公不朝之故告于廟每月必告而特於正月釋
之者蓋歲之正也月之正也日之正也三始之正嘉
禮所重人理所以自新故特顯以通他月也惟書此
年者如楚既非常在楚又踰年故發此一例以示法

也 唐陳氏曰如晉不朝正者常也故不書楚外夷
也如楚不朝正者非常也故書 孫氏曰公在中國
猶可在夷狄則甚矣公留于楚者七月故詳而錄之
劉氏曰昭公去國寄于乾侯季氏居君之位攝君
之祭聖人嫌于國無公公無國也故因正月書公在
以正之今襄公遠適楚而遲留季孫專擅政而不忌
有公則無所復存存公則嫌於無君可知矣 董子
繁露曰公在楚臣子思君無一日無君之意 高氏

曰二十八年十一月公如楚十二月甲寅天王崩乙未楚子昭卒公不篤君臣之義以奔天王之喪而徇夷狄之強以俟楚子之葬久留于楚迨夏乃歸故聖人特書之按先是公行及漢聞楚喪欲還誤之者叔仲昭伯也子服惠伯向戌之流饑寒之恤甘為小人之從邇固可鄙矣叔仲昭伯若知大義當贊公以奔王喪夫臣子之情不盡於所當盡而非禮之禮施於所不當施是以或承之羞而不可悔未有居禮義

而得恥辱者也葬靈王鄭上卿有事使印段往伯有
曰弱不可子展曰與其莫往弱不猶愈乎魯則所謂
莫往者矣家氏曰公在乾侯以內外言也公在楚
以中國外服言也向戌售其邪說屈中國而伸外夷
兵未及弭京師楚而泥塗魯宋祓殯送葬春秋閔焉
故於歲首書公在楚外楚也夫外服朝中國禮之常
也中國旅朝于楚反常也春秋於事之反常者每變
例而特書此類是也啖氏曰左氏言楚使公親禭

公使巫以桃茢先被殯言以君臨臣喪之禮行之且以楚之強僭豈肯使魯辱之又言楚人悔之則楚非不知禮而魯罔之必當見討何得全無事乎蓋魯以親隧為辱故妄為此說以救其恥史因妄而記之耳

按檀弓亦載此事但此言親隧彼言親襲此言被殯彼言被柩禮死而浴浴即襲襲後始小斂大斂乃殯康王之卒公尚在途及漢聞喪欲反可證也迨公至楚則殯已久矣安得親襲及柩仍在地而被之乎隧所以衣尸既殯而使公親隧恐亦無此理按胡氏兼取三傳及孫陳劉

之義家氏又足以補其所未及董子繁露二語亦佳

勝公穀矣

附左傳二月癸卯齊人葬莊公于北郭

兵死不入兆域

夏

四月葬楚康王公及陳侯鄭伯許男送葬至于西門

之外諸侯之大夫皆至于墓楚郕敖即位

郕敖康王子熊麋也

王子圍

康王弟

為令尹鄭行人子羽曰是謂不宜必代

之昌松栢之下其草不殖

夏五月公至自楚

左傳公還及方城

方城山在南陽華縣南

季武子取卞使公冶

季氏屬大夫

問

問公起居

璽書追而與之

璽印也古者尊卑共之秦以來唯天子之

印稱璽

曰

書中言

聞守卞者將叛臣帥師徒以討之既得

之矣敢告

此皆璽書之詞公治初不與知

公治致使而退及舍而後

聞取卞公曰欲之而言叛祇見疏也公謂公治曰吾

可以入乎對曰君實有國誰敢違君公與公治冕服

以卿服立冕賞之

固辭強之而後受公欲無入榮成伯賦式

微

詩邶風

乃歸五月公至自楚公治致其邑于季氏而

終不入焉

不入季孫家

曰欺其君何必使余穀梁傳喜

之也致君者殆其往而喜其歸此致君之意義也

庚午衛侯衍卒

附左傳葬靈王

不書魯不書

鄭上卿有事子展使印段往

伯有曰弱不可子展曰與其莫往弱不猶愈乎堅事

晉楚以蕃王室也王事無曠何常之有遂使印段如

周

閻弒吳子餘祭

閻音昏祭側界反

左傳吳人伐越獲俘焉以為閻使守舟吳子餘祭觀

舟閹以刀弑之

言以刀明其近

公羊傳閹者何門人也

守門

刑人也刑人則曷為謂之閹刑人非其人也

非其人言非合

為閹之人曲禮曰刑人不在君側祭統曰古者不使刑人守門刑人不自賴而用作閹由之出入卒為所殺輕死之道也故不書盜而書閹見其近刑人也賤之賤者稱盜

君子不近刑人近

刑人則輕死之道也

穀梁傳閹門者也寺人也不

稱名姓閹不得齊於人不稱其君閹不得君其君也

禮君不使無恥不近刑人不狎敵不遁怨賤人非所

貴也貴人非所刑也刑人非所近也舉至賤而加之

吳子吳子近刑人也閹殺吳子餘祭仇之也

附左傳鄭子展卒子皮即位

代父為上卿

於是鄭饑而未

及麥民病子皮以子展之命

在喪故以父命

餽國人粟戶一

鍾

六斛四斗

宋司城子罕聞之曰鄰於善民之望也

民亦望君

為善

宋亦饑請於平公出公粟以貸

他代反

使大夫皆貸

司城貸而不書

施而不德

為大夫之無者貸宋無饑人

仲孫羯會晉荀盈齊高止宋華定衛世叔儀鄭公孫段

曹人莒人滕人薛人小邾人城杞

儀公作齊莒人下公穀有邾人

左傳晉平公杞出也

姊妹之子為出

故治杞

理其地修其城

六月知

悼子合諸侯之大夫以城杞孟孝伯會之鄭子大叔

不書不親事

與伯石

公孫段

往子大叔見大叔文子

世叔儀

與

之語文子曰甚乎其城杞也子大叔曰若之何哉晉

國不恤周宗

諸姬之闕而夏肆杞也方言曰肆析餘也秦晉之間曰肆

是

屏

城也

其棄諸姬亦可知也已諸姬是棄其誰歸之

穀梁傳古者天子封諸侯其地足以容其民其民足以滿城以自守也杞危而不能自守故諸侯之大夫

相帥以城之變之正也 杜氏曰公孫段伯石也三
十年伯有死始命為卿今蓋以攝卿行 按齊桓城
緣陵封杞也事雖專而心則公故春秋不曰城杞而
曰城緣陵明其志也周平王以申國近楚數被侵伐
遣畿內之民戍之戍者怨思揚之水之詩所以作焉
申者平王母家也父幽王死於犬戎申侯與焉說者
謂平王知有母而不知有父彼天王也以不知大義
而得罪於綱常况晉平公以一諸侯至勤天下之衆

為治其母家而於王事則曠於恤周宗則偷乎其亦
不待誅絕而見矣 李氏曰僖公為成風伐邾而春
秋不予以救患之義平公為悼夫人城杞而春秋不
予以保小之仁則於公私之際審矣

晉侯使士鞅來聘

左傳范獻子來聘拜城杞也公享之展莊叔執幣公

將

以酬

射者三耦

二人為耦按燕禮云若射則大射正為司射如鄉射之禮是燕有為射之

實時也此云公享之則享法亦有射也

公臣不足取於家臣家臣展瑕展

王父為一耦公臣公巫召伯仲顏莊叔為一耦鄆鼓父黨叔為一耦

杞子來盟

左傳晉侯使司馬女叔侯來治杞田

使魯歸前侵杞田所歸少故不

書弗盡歸也晉悼夫人

平公母杞女

愠曰齊也取貨

謂叔侯受

魯先君若有知也不尚取之

不尚尚也先君有知尚須取女叔侯誅之公

告叔侯叔侯曰虞虢焦滑霍揚韓魏皆姬姓也

八國皆晉

所滅焦在陝縣揚屬平陽

晉是以大若非侵小將何所取武獻以

下無國多矣誰得治之杞夏餘也而即東夷

行夷禮魯

周公之後也而睦于晉職貢不乏何必瘠魯以肥杞

杞文公來盟

魯歸其田故

書曰子賤之也按杞或子或

伯義見桓二年

吳子使札來聘

吳始聘吳始君臣並見

左傳吳公子札來聘通嗣君也

傳言札見叔孫穆子說之規其好善而不

能擇人請觀問樂語多不錄又言聘于齊說晏平仲

勸之連納邑與政以免難聘于鄭見子產如舊識曰

政必及子子為政慎之以禮遠衛說蘧瑗史鮑公子

荆公叔文子曰衛多君子自衛如晉將宿于戚聞鐘

聲曰夫子獲罪於君以在此懼猶不足而又何樂君
又在殯而可以樂乎遂去之適晉說趙文子韓宣子
魏獻子及叔向朱子門人問季札觀樂如何知得如
此之審朱子曰此是左氏粧點出來亦自難信如聞
齊樂而曰國未可量然再傳而為田杜氏曰吳子
氏烏在其為未可量也此皆難信處

餘祭既遣札聘上國而後死札以六月到魯未聞喪
也不稱公子其禮未同於上國孔氏曰上云閹弑
吳子此云吳子使聘傳言通嗣君未知通誰嗣也賈
逵服虔皆以為夷昧案先君未葬嗣君不得命臣此
與閹弑吳子文不隔月豈以君死之月即命臣乎且

傳稱季札至魯徧觀周樂至戚聞鐘聲譏孫文子君
在殯而樂自請觀樂譏人聽樂豈當若是故通嗣君
通餘祭嗣也經傳皆無札至之月知以六月到者以
城杞在五月之下城訖乃有鞅聘杞盟若共在月中
則不容札聘下文有秋知札以六月至也札去後吳
始告喪告以五月被弑故追書在聘上耳 公羊傳
吳無君無大夫此何以有君有大夫賢季子也何賢
乎季子讓國也其讓國奈何謂也餘祭也夷昧也與

季子同母者四季子弱而才兄弟皆愛之同欲立之

以為君謂曰今若是迨

子各反起也倉卒意

而與季子國季子

猶不受也請無與子而與弟弟兄迭為君而致國乎

季子皆曰諾故諸為君者皆輕死為勇飲食必祝

祭因

祝

曰天苟有吳國尚速有悔於余身故謂也死餘祭

也立餘祭也死夷昧也立夷昧也死則國宜之季子

者也

先君之意

季子使而亡焉

季子自以義有不安辟之而不受

僚者長

庶也即之

夷昧死季子亡國無嫡立僚夷昧長庶因而就立也

季子使而反聘

上

國而至而君之爾在達聞難至而君之闔廬謁之長曰先君之

所以不與子國而與弟者凡為季子故也將從先君之命與則國宜之季子者也不從先君之命與則我宜立者也僚焉得為君子於是使專諸刺僚而致國乎季子季子不受曰爾殺吾君吾受爾國是吾與爾為篡也爾殺爾兄吾又殺爾是父子兄弟相殺終身無已也爾殺爾兄舊作爾殺吾兄傳寫之誤也僚夷昧之子光謁之子僚與光從父兄弟而季子其諸父去之延陵吳下邑終身不入吳國故君子也故云然

以其不受為義以其不殺為仁 劉氏絢曰札何以

不稱公子辭國以生亂也夷昧之卒札宜受命以安社稷而拘匹夫之節辭位以逃於是僚代立光弑僚故因來聘去其公子以示貶 胡氏曰秦伯時中季

子過中自衆人觀之過者為賢自道觀之過猶不及故褒貶如此 今按有太王之父季歷之弟文王之子則秦伯當讓季歷當受此所謂聖達節也若季札則亦當守節也壽夢之欲立季札與諸樊之舍子而

立弟約以次傳必及季子蓋聞其先太王泰伯之事
慕而欲效之者而不知其時義之非宜而徒啟後日
之爭也不見宋宣公之事也假令夷昧也死季子不
度而即之吳國其靖乎彼僚與光何人哉僚固不憚
於襲光固不憚於弑徒以季子之素所不屑者足以
取信於二子故二子佯讓之以為名而內不失其有
國之實豈誠心死於先君之命而季子立則無辭者
耶以後日之利害既如此以今日之事理則立長正

也立少非正也壽夢過中而反謂季子之不成父之
非正為過中古今有幾太王乎立子正也傳弟非正
也諸君之輕死為勇飲食必祝為過中而反謂季子
之不成兄之非正為過中古今有幾季歷乎穆公問
於子思曰立太子有常乎答曰有之在周公之典公
曰昔文王舍嫡而立其次是何法也子思曰文王舍
嫡立次權也聖人不以權教故立制垂法順之為貴
知聖人不以權教則知春秋不貶季札矣且春秋褒

貶各當其事札辭國乃後日事而逆於來聘貶之史
家有是法乎以字為美則祭仲非美以子為賢則高
子何賢 光弒僚在昭二十七年

秋七月葬衛獻公

齊高止出奔北燕

北燕始
見經

左傳秋九月齊公孫董

子尾

公孫竈

子雅

放其大夫高止

於北燕高止好以事自為功且專故難及之 穀梁

傳其曰北燕從史文也

范氏曰南燕姑姓在鄭衛
之間北燕姬姓在晉之北

杜氏曰止高厚之子北燕燕國薊縣 按大夫有罪
君放之正也臣放大夫是無君也

冬仲孫羯如晉

左傳報范叔也

附左傳高豎

高止之子

以盧叛十月齊人立敬仲

高之僕

魯

孫鄭十一月高豎致盧而出奔晉

鄭伯有使公孫

黑

子皙

如楚辭曰楚鄭方惡而使余往是殺余也伯有

曰世行也子皙曰可則往難則已何世之有伯有將

強使之子皙怒將伐伯有氏大夫和之十二月己巳
鄭大夫盟于伯有氏

三十年春王正月楚子使薳罷來聘

薳于委反罷音皮公作頗後同

左傳通嗣君也 余氏曰且報朝也

夏四月蔡世子般弑其君固

般音班

左傳蔡景侯為太子般娶于楚通馬太子弑景侯

五月甲午宋災宋伯姬卒

公穀伯姬上無宋字

左傳或叫于宋太廟曰諄諄

許其反熱也

出出

戒伯姬

鳥鳴

于毫社如曰譖譖甲午宋大災宋伯姬卒待姆也

女師

君子謂宋共姬女而不婦女待人婦義事也

義從宜也

公羊傳宋災有司復曰火至矣請出伯姬曰不可婦人夜出不見傳母不下堂何氏曰夜出謂有事宗

廟穀梁傳取卒之日加之災上者見以災卒也其見以災卒奈何伯姬之舍失火左右曰夫人少辟火乎伯姬曰婦人之義傳母不在宵不下堂左右又曰夫人少辟火乎伯姬曰婦人之義保母不在宵不下

堂遂逮乎火而死婦人以貞為行者也伯姬之婦道盡矣詳其事賢伯姬也 安定胡氏曰伯姬乃婦人中之伯夷也 劉氏曰使共姬避火而全生未足以害其貞也然而不以已之可以全生而違天下之常義此安乎性命者乃能之左氏曰共姬女而不婦非也易曰恒其德貞婦人吉共姬恒矣所謂婦也 按列女傳宋伯姬者魯宣公之女成公之妹也既嫁于共公十年共公卒伯姬寡三十五年至景公時伯姬

之宮夜失火左右曰夫人少避火伯姬曰婦人之義保傅不俱夜不下堂待保傅來也保母至矣傅母未至也左右又曰夫人少避火伯姬曰婦人之義傅母不至夜不可下堂越義求生不如守義而死遂逮於火而死此視三傳尤備夫保傅不俱宵不下堂此伯姬所守之禮也豈無所見而徒守哉越義求生不如守義而死此伯姬素定於心之見也天理人欲之間在乎此而已矣死生命也禮義之閑所欲有甚於生

所惡有甚於死一下堂而此足之失不可悔也故傳
母可待也臣子之救可待也不可待逮乎火而死則
命也可待而不之待越禮以貪生而苟免於死在丈
夫猶足羞也而況婦人乎故寧守義而死此伯姬之
心也春秋書之所以風厲千古使夫不當避而避以
失節於造次顛沛之際者知所警也豈曰小補之哉
然足變也宋之臣子安在乃使君母逮乎火而死哉
亦罪其臣子也 謂伯姬女而不婦猶謂季札辭國

生亂使自私者借從權以自便必自斯言矣孔子於
伯夷未嘗論其過曰求仁得仁曰民到于今稱之誠
不以富亦祇以異其著教深矣至孟子始言其偏然
對孔子言之也至其通論二子則曰百世之師也聞
其風者頑夫廉懦夫有立志鄙夫寬薄夫敦其意猶
孔子也

天王殺其弟佞夫

公作
年夫

左傳初王儋

丁甘
反

季卒

周靈
王弟

其子括將見王而歎

除
服

見靈王

單公子愆期為靈王御士過諸廷聞其歎以告

王且曰必殺之不感而願大視躁而足高心在他矣

王曰童子何知及靈王崩詹拈欲立王子佞夫

靈王
子景

王弟

佞夫弗知戊子詹拈圍為遂成愆

成愆為
邑大夫

成愆奔

平時

周邑

五月癸巳尹言多劉穀單蔑甘過鞏成殺佞

夫拈瑕廖奔晉

拈廖不
書賤也

穀梁傳傳曰諸侯且不首

惡況於天子乎君無忍親之義天王殺其弟佞夫甚

之也 按王者之道親親而及天下則治有序稱罪

以明罰則政有經靈王崩僖括欲立佞夫佞夫不知
景王立僖括園遂成愆佞夫不預則佞夫無罪也王
之恩素篤罰有章而尹劉諸人敢以無罪而殺其介
弟乎且括亂首而免則是所忌在佞夫耳故書王殺
以見忍親失刑雖天子不免於首惡而況其下乎

王子瑕奔晉

王子王臣書奔者三瑕也朝也周公也瑕與王子朝
不言出天下皆周土也唯周公自絕於王故書出罪

之也

秋七月叔弓如宋葬宋共姬

共姬上穀無宋字

杜氏曰共姬從夫謚也叔弓叔老之字卿共葬事禮

過厚 孔氏曰昭三年傳曰君薨大夫弔卿共葬事

夫人士弔大夫送葬 陸氏曰為災而死高其志行

使卿往會所以書之 薛氏曰古者夫人無謚從夫

之謚東遷之後其制隳矣

如文晏哀晏穆晏聲晏皆不繫夫謚而自有謚

共

姬執禮而死宋人不敢加非禮之謚一人守正天下

莫之違也

鄭良霄出奔許自許入于鄭鄭人殺良霄

左傳鄭伯有者酒為窟室而夜飲酒擊鐘焉朝至未

已朝者曰公焉在其入曰吾公在壑谷皆自朝布路

分而罷既而朝則又將使子皙如楚歸而飲酒子皙

以四氏之甲伐而焚之伯有奔雍梁鄭地醒而後知之

遂奔許鄭伯及其大夫盟于大宮祖廟盟國人於師之

梁之外鄭城門伯有聞鄭人之盟已也怒聞子皮之甲

不與攻己也喜曰子皮與我矣癸丑晨自墓門

鄭城門

之潰入因馬師頡

子羽據

介于襄庫以伐舊北門

馬帶

率國人以伐之

駟帶字西之子替之宗主

伯有死于羊肆子產

斂而殯諸伯有之臣在市側者既而葬諸斗城

鄭地名

羽頡

馬師頡

出奔晉子皮以公孫鉏

子罕

為馬師

代羽頡

穀梁傳不言大夫惡之也

胡傳不言復入者其

位未絕也杜氏曰不言復入獨還無兵

冬十月葬蔡景公

晉人齊人宋人衛人鄭人曹人莒人邾人滕人薛人杞人小邾人會于澶淵宋災故

左傳為宋災故諸侯之大夫會以謀歸宋財冬十月

叔孫豹會晉趙武齊公孫蠆宋向戌衛北宮佗

結之于

鄭罕虎

子皮

及小邾之大夫會于澶淵既而無歸於宋

故不書其人書曰某人某人會于澶淵宋災故尤之也不書魯大夫諱之也公羊傳會未有言其所為者此言所為何錄伯姬也諸侯相聚而更宋之所喪

張氏曰父子君臣之變自文元年楚以商臣書此猶夷狄之事也及是年蔡以中國之臣子為之而魯會其葬晉合諸侯而所恤者宋之火災而已故於此章三致意焉既變例書蔡景之葬又人諸侯之大夫而諱魯卿又特書曰宋災故此比事屬辭之所以為春秋也盟會之書其故者有二以揆考之則澶淵之所貶非為宋財之無歸明矣按二十五年齊崔杼弑其君光下亦書十二國之諸侯會于夷儀不言其

所為而其所為可求而知也前此齊嘗伐晉兩加兵
于莒又伐魯今又弑君則其為討齊可知後書諸侯
同盟于重丘則其為受賂而止而齊亦與盟可知悼
公初死平公新立晉之故望未失人猶有望焉盟宋
之後列國北面楚庭胥於淪喪故葵蔡景公會澶淵
宋災故春秋直著誅貶遏人欲於橫流也 李氏曰
此條穀梁以為善之書人者衆詞固失之矣而左氏
止非其不信公羊又以為卿不得憂諸侯夫春秋盟

會之不信者多矣城杞亦卿之憂諸侯也何此獨貶乎仁山金氏曰城杞為悼夫人也會澶淵為宋災也二者謂非恤小救患之舉則不可然蔡般之事亂臣賊子天下之大故而晉不之問以有弭兵之盟也蔡即楚久晉人以為討則懼有爭蔡之嫌再啓兵端若夫蔡則圍為令尹亦將般矣此般之所以不討也有弭兵之小信而忘撥亂之大義詩云君子屢盟亂是用長其斯之謂與

附左傳鄭子皮授子產政

伯有死子皮知政以子產賢故讓之

辭曰國

小而偏族大寵多不可為也子皮曰虎帥以聽誰敢

犯子子善相之國無小小能事大國乃寬子產為政

使都鄙有章上下有服田有封洫廬井有伍大人之

忠儉者從而與之泰侈者因而斃之從政一年興人

誦之曰取我衣冠而褚之

侈者畏法所不敢服者畜之囊中

取我田

疇而伍之

並畔為疇

孰殺子產吾其與之及三年又誦之

曰我有子弟子產誨之我有田疇子產殖之子產而

死誰其嗣之

三十有一年春王正月

夏六月辛巳公薨于楚宮

何休曰公朝楚好其宮歸而作之故名之云爾

按左氏言

公作楚宮穆叔曰君欲楚也夫故作其宮若不復遑楚必死是宮也此非人臣之言且公淹恤於楚豈得已哉何欲楚之有作其宮不過慕其制而效之耳然楚宮必詭異非所當作也按公淹恤

於楚受親祔送葬之辱歸而不發憤自強修其德政乃效蠻夷之居又章其號處而終焉其志可知矣小

寢猶非正也況楚宮乎然此非止以即安不正書也
公在楚公薨于楚宮皆襄之特筆也

秋九月癸巳子野卒

左傳立胡女敬歸之子子野

胡歸姓之國敬歸襄公妾也

次于季

氏秋九月癸巳卒毀也立敬歸之娣齊歸之子稠穆
叔不欲曰大子死有母弟則立之無則立長年均擇

賢義均則卜古之道也

先人事後卜筮也義均謂賢等

非嫡嗣何必

娣之子且是人也居喪而不哀在感而有嘉容

子野以毀

卒昭公在賊而有嘉客天不幸魯國也夫

是謂不度不度之人鮮不為患

若果立之必為季氏憂

此見乾侯之事後撰歸之言與衛定姜見衍之不哀而憂

孫文子聞而懼其事正同魯宿即衛林父也

武子不聽卒立之比及葬三

易衰衰衽如故衰

言其嬉戲無度

於是昭公十九年矣猶有

童心君子是以知其不能終也

穀梁傳子卒曰正

也 孫氏曰子野襄公太子未踰年之君也名未葬

也不薨不地降成君也

按居喪毀瘠不形者先王

之禮也毀不滅性者先王之教也子野喪致乎哀根

乎至性豈不賢哉而不能輔之以教開之以禮以保其躬使至滅性大臣之罪也

己亥仲孫羯卒

羯居
竭反

冬十月滕子來會葬

癸酉葬我君襄公

附左傳公薨之月子產相鄭伯以如晉晉侯以我喪故未之見也子產使盡壞其館之垣而納車馬焉士文伯讓之對曰以敝邑褊小介於大國誅求無時是

以不敢寧居悉索敝賦以來會時事逢執事之不閒而未得見又不獲聞命未知見時不敢輸幣亦不敢暴露其輸之則君之府實也非薦陳之不敢輸也其暴露之則恐燥濕之不時而朽蠹以重敝邑之罪今銅鞮之宮數里而諸侯舍於隸人門不容車不可踰越若又勿壞是無所藏幣以重罪也雖君之有魯喪亦敝邑之憂也若獲薦幣修垣而行君之惠也敢憚勤勞文伯復命趙文子謝焉晉侯見鄭伯有加禮厚

其宴好而歸之乃築諸侯之館 鄭子皮使印段如

楚以適晉告

十有一月莒人弑其君密州

左傳莒犂比公

莒子密州之號

生去疾及展輿既立展輿又

廢之犂比公虐國人患之十一月展輿因國人以攻

莒子弑之乃立去疾奔齊齊出也展輿吳出也書曰

莒人弑其君買朱鉏

密州之字

言罪之在也 胡傳經以

傳為案傳有乖繆則信經而棄傳可也若密州之事

是已左傳稱莒子生去疾及展輿既立展輿又廢之
莒子虐國人患之展輿因國人以攻莒子弑之乃立
信斯言則子弑其父也而春秋有不書乎故趙匡謂
其文當曰展輿因國人之攻莒子弑之乃立而後來
傳寫誤為以字爾

附左傳吳子使屈狐庸

臣臣之子

聘于晉通路也趙文子

問焉曰延州來季子其果立乎

延陵州來季札食二邑故連言之

巢

隕諸樊

在二十五年

閭戕戴吳

在二十五年戴吳餘祭

天似啓之何

如對曰不立是二王之命也非啟季子也若天所啟

其在今嗣君子

謂夷
昧

甚德而度德不失民度不失事

民親而事有序其天所啟也有吳國者必此君之子

孫實終之季子守節者也雖有國不立 十二月北

宮文子

佗

相衛襄公

獻公
子

以如楚過鄭文子入聘出

言於衛侯曰鄭有禮其數世之福也其無大國之討

乎子產之從政也擇能而使之馮簡子能斷大事子

大叔美秀而文公孫揮能知四國之為

所欲
為

而辨於

其大夫之族姓班列貴賤能否而又善為辭令裨謔
能謀謀於野則獲謀於邑則否鄭國將有諸侯之事
子產乃問四國之為於子羽且使多為辭令與裨謔
乘以適野使謀可否而告馮簡子使斷之事成乃授
子大叔使行之以應對賓客是以鮮有敗事北宮文
子所謂有禮也鄭人游于鄉校以論執政然明謂
子產曰毀鄉校如何子產曰何為夫人朝夕退而游
焉以議執政之善否其所善者吾則行之其所惡者

吾則改之是吾師也若之何殺之我聞忠善以損怨

不聞作威以防怨豈不遽止然猶防川大決所犯傷

人必多

使人不敢言怨怒之積有潰時若川也厲王監謗是也

吾不克救也不

如小決使道

通也

吾聞而藥之也

以為已之藥石

子皮欲使

尹何為邑子產曰少未可子皮曰使夫往而學焉子

產曰人之愛人求利之也今吾子愛人則以政猶未

能操刀而使割也其傷實多子有美錦不使人學製

焉大官大邑身之所庇也而使學者製焉其為美錦

不亦多乎僑聞學而後入政未聞以政學也子皮曰
善哉微子之言吾不知也 衛侯在楚北宮文子見

令尹圍之威儀言於衛侯曰令尹似君矣將有他志

言語瞻視
行步不常

雖獲其志不能終也公曰子何以知之對

曰詩云敬慎威儀惟民之則令尹無威儀民無則焉

民所不則以在民上不可以終公曰善哉何謂威儀
對曰有威而可畏謂之威有儀而可象謂之儀君有
君之威儀其臣畏而愛之則而象之故能有其國家

令聞長世臣有臣之威儀其下畏而愛之故能守其

官職保族宜家順是以下皆如是是以上下能相固

也衛詩曰邶威儀棣棣富而不可選也言君臣上下

父子兄弟內外大小皆有威儀也周詩大雅曰朋友攸

攝佐以威儀言朋友之道必相教訓以威儀也故

君子在位可畏施舍可愛進退可度周旋可則容止

可觀作事可法德行可象聲氣可樂動作有文言語

有章以臨其下謂之有威儀也

春秋輯傳卷九